

43. 101

nl

11

128 56

S 7

No.


72762



Presented
to the
**Library of the
Medical Society
of the
County of Kings**
by

EXCHANGE
(UNIVERSITY LIBRARY OF
UPPSALA)

MAY 23 1931





TRACTATUS III
DE
SCARLATINA
AUTORE
MARCO ANTONIO
PLENCIZ,
MEDICO VINDOBONE NSI.



VIENNÆ AUSTRIÆ,
TYPIS JOANNIS THOMÆ TRATTNER, CÆSAR. REG.
APOST. MAJEST. AULÆ TYPOGR. ET BIBLIOP.
MDCCLXII.

516483-3.

III АУТАТОАЛТ
за
516483 АИНГАЛАСА
з я от з
СІНОТНА ГОДЯМ
ПІДІЛЯ
МЕДІС ТІДДОНГІСІ



12 NOV 1999

199916375

PRÆFATIO AUTORIS

A D

TRACTATUM DE SCARLATINA.

nter morbos contagiosos, qui humanum genus affligere saepe consueverunt, princeps est affectus quem scarlatinam nominamus.

Medici enim practici norunt, quanta saevitia in juventutem furere, quanta celeritate integras, celebresque familias delere, & exhaustire soleat; ut unico hoc ex titulo pestis juventutis merito vocari debat.

Quapropter mirabar, quod morbus tam truculentus, humanoque generi tam infensus hucusque tum quoad ejus principium, progressum, decursum, finem, ejusque perfecta-
ria, cum quoad curationem, tam

A 2

pa-

parum tam mance descriptus inventatur.

Qua ex ratione a viginti & pluribus jam annis sedulo , ferioque omnia , quæ in , & post hunc morbum memorabilia obvenire , quæ prodeffe & obeffe soleant , mihi annotavi , quæ nunc publici juris facio .

Unde habes hic , benevole Lector , genuinam & ex lecto haustam historiam hujus sœpe funesti morbi , habes ejusdem progressum , decursum , aliaque scarlatinæ consectaria ; denique omnia , quæ tam ejus æthiologiam , quam pathologiam concernunt , tibi candide communicare conabor , quibus fruere , & vale .

ELEN-

ELENCHUS SECTIONUM
QUÆ IN TRACTATU DE
SCARLATINA CONTINENTUR.

S E C T I O I

Exponit diversas Medicorum de scarlatina relationes, & descriptiones.

S E C T I O II

Proponit propriam de scarlatina descriptionem.

S E C T I O III

Subjungit scarlatinæ differentias, & Diagnosim.

S E C T I O IV

Rimatur scarlatinæ veras, aut saltem verosimiliores causas.

S E C T I O V

Declarat symptomata, uti & sedem scarlatinæ.

SECTIO

S E C T I O VI

Subiectum & prognosim scarlatinæ exponit.

S E C T I O VII

Scarlatinæ ejusque symptomatum curationem proponit.

S E C T I O VIII

Scarlatinæ stadium, seu periodum secundam una cum curatione explanat.

S E C T I O IX ET ULT.

Quasdam singulares de scarlatina observationes una cum adjectis annotationibus communicat.

TRA-



TRACTATUS III. DE SCARLATINA.

SECTIO I.

EXHIBET SCARLATINÆ HISTORIAM,
ET DESCRIPTIONEM MEIS OBSERVATIONIBUS
RESPONDENTEM.

I.

An Scarlatina veteribus nota fuerit,
nec ne, videtur eadem & ejusdem
farinæ esse quæstio, quam superius §. V.
de variolis proposueram. Hæc enim ali-

quid ad eruditionem , sed ne hilum quidem
ad ægrorum commodum facere , & contribuere videtur. Unde etiam similia missa
facio , neque his perquirendis diu immo-
rabor ; satis enim reor , si meminerim ,
veteres medicos multa de maculis , papu-
lis & pustulis dixisse , adeoque plures ex-
anthematum species exinde intellexisse ;
qua vero ratione id fecerint , aliis discu-
tiendum relinquo.

Quo tempore vero graffari cœperit ,
aut potius quo tempore primo scarlatina
observata fuerit , dein patebit , dum Au-
tores de Scarlatina tractantes adduxero .

II.

Hic propositi ratio exigit , vt ante
omnia historiam , progressum , decursum
Scarlatinæ , ejusque consecaria , quam
accuratissime , & quam brevissime expo-
nam , talemque exhibeam notitiam , qua-
lem non ex libris , aut proprio ex cere-
bro ,

bro, sed ex ægris ad lectum hausi, collegi, & annotavi.

Quare fiet, vt symptomata omnia, aut saltem præcipua, quæ non tantum qualibet morbi die, sed quæ fere qualibet hora observavi, debito ordine afferam, & recenseam; ex quibus spero fore, ut quisque historiæ morborum peritus, facile cognoscat & candide fateatur in scarlatina tum quoad æthiologiam, cum quoad ejusdem curationem ad hæc usque tempora quam plurimum desiderari.

Quapropter satis mirari non valeo, quod morbus, qui multarum illustrium familiarum progeniem funditus saepe exhaustire consuevit, superficialiter tantum delineatus sit, ut exinde necdum constet quid sit, nec qua salutari methodo tractari debeat; etenim quam plurimi nullum periculum, nullam malignitatem in scarlatina agnoscunt.

Item a quibusdam pro purpura, ab aliis pro petechiis, aut rosalia venditatur. Quidam eundem cum morbillis confundunt; sicque una eademque tractant methodo; cum tamen, ut dein patebit, isti morbi toto inter se differant cœlo; adeoque aliam exigant medendi rationem. Ut vero hæc clarius pateant, necesse erit, ut primo scarlatinæ principium, ejus progressum, & decursum; dein vero ejusdem consecaria, & reliqua, quæ ab eadem dependent, exhibeamus.

III.

Omnis scarlatina, sive fit benigna, sive maligna orditur cum majore, aut minore lassitudine, viriumque dejectione, quam mox sequitur plerumque horripilatio, calor, febrisque.

Hoc ipso tempore, præfertim in maligna, adest ingens dolor capitis, sopor, quandoque delirium, nifus ad vomitum, tandem ipse vomitus; quibus aliquando propter

propter nimis violentam ventriculi constrictiōnē lypotimiā accedunt.

Eodem fere tempore conqueruntur ægri de deglutitione difficiili, anxietatibus, angustiis præcordiorum, & inquietudinibus, respiratio videtur parva, laboriosa, & solito frequentior.

Tandem præsertim in scarlatina maligna, jam prima, aut secunda, aliquando tertia die, aut tardius, superveniunt exanthemata, quæ maculas rubras, inæquales, plus minus latas exhibent; istæ maculæ quandoque ita ad invicem convenient, ut uniformem per corpus scarlatinum colorem præferant; ista eruptio fit primo in facie, collo, faucibus, pectori; tandem in dorso, abdomine, & in reliquo corpore.

Si fauces inspiciamus, videbimus omnes earum partes, ut palatum, tonfillas, uvulam, linguam, laryngem, pharyngem aliaque ibidem sita organa, rubere, &

tu-

tumere; quod etiam in facie, & reliquo in corpore nunc magis nunc minus observatur. Ex quo evenit, ut ægri nec deglutire, nec respirare, ne quidem loqui valeant; & nisi præsentaneum afferaatur auxilium, brevi suffocentur.

IV.

Hæc exanthemata, quia primis morbi diebus colorem rubrum cinabarinum repræsentant, scarlatina vocari solent.

Verum ad finem vergente ab eruptione die tertia, aut ineunte quarta, hæc ipsa exanthemata pallidiora fiunt, & tandem successive, nimirum, quæ primo eruperant prius, alia vero tardius evanescunt.

Interim hoc observavi, quod exanthemata scarlatina primis etiam morbi diebus facile, & sæpius variare soleant; nam nunc magis, nunc minus rubent; nunc plura, nunc pauciora in peripheria corporis conspicuntur.

V.

V.

Ast hic speciale phœnomenon, quod sub finem horum exanthematum sæpe, quamvis non semper observatur, expoundum restat; videlicet die sexta, aut septima post eruptionem scarlatinæ, certæ papulæ, seu pustulæ sat frequentes, præsertim vero in pedibus, & manibus in conspectum veniunt, quæ miliaria alba vtcunque referre videntur, qua ex ratione multis in hoc morbo minus expertis imponunt, ut tales pro miliaribus venditent; ast si istæ intime explorentur toto cœlo a miliaribus differre observantur; nam sunt meræ vesiculæ vacuæ, quæ a separatione, & elevatione epidermidis dependent; & nil nisi aëra in se continent; unde fit, ut dein latiores factæ, & suo volumine auctæ decorticationi cutis, de qua mox dicemus, fundamenta præbeant. Ego data opera plures & sæpius tales pu-

stu-

ftulas , aut dixerit potius vesiculas , dis-
cidi , & semper tales , ut descripsi , inveni .

VI.

Igitur ex hoc ipso mirabili phœno-
meno exurgit aliud adhuc majore admira-
tione , & attentione dignum : nimirum
cutis decorticatio . Hæc fit , in facie ,
collo , pectore &c. sed præcipue in mani-
bus & pedibus ; ita , ut lamelæ integræ
sat longæ , latæ , & densæ abscedant , &
separentur .

Observavi , quod ista decorticatio eo
major fit , quo magis cutis exanthemate
scarlatinæ obsita , & occupata erat .

VII.

Sed neque hic finis malorum , quæ
a scarlatina dependere solent , nam dum
æger nonam decimam , aut undecimam at-
tigerit morbi diem , incipit placide dor-
mire , cibos appetere , aliisque functioni-
bus bene , & fere naturaliter fungi , sic-
que omnia morbi pericula superasse vide-

tur ;

tur; unde fit, ut parentes, adstantes, quinimo saepe etiam medentes, ægrotum tunc in vado constitutum esse credant. Ast falluntur; superest enim majus jam superato periculum; etenim die decima quarta aut decima quinta aliquando etiam tardius a dissipata scarlatina ægrotus incipit fieri languidus, debilis, morosus; ac tandem toto corpore tumidus; nam non tantum facies, sed & pedes, manus, pectus, abdomen, & scrotum, denique universum corpus, leucophlegmatico turget tumore. Urinæ secedunt sat paucæ, & quod admiratione dignum, plerumque cruentæ, aut loturæ carnium similes.

Iste tumor manifestat se primo in facie, & dein in reliquis corporis partibus. Vidi, quod aliquando ita increbat, ut luce capiantur ægri, & nec pedibus insistere, multo minus progredi, valeant.

VIII.

De hoc hydropico tumore sequentes observationes notari debent: & quidem

Primo, quod iste leucophlegmaticus status superveniat potissimum illis, qui copiosis aut malignis scarlatinæ exanthematibus afficiuntur. Vidi tamen benignissimæ scarlatinæ ingentem totius corporis tumorem advenisse.

Secundo, quod illi, qui majorem cutis decorticationem experiuntur, soleant etiam magis tumere, quam alii. Interim observavi valde magnum tumorem in aliquibus, qui nullam experiebantur decorticationem.

Tertio, quod infantes facilius, & magis tumeant, quam illi, qui sunt ætate provectiones.

Quarto, quod ægri magis tumeant in hyeme, quam in æstate; item illi magis, qui temporius libero se exponunt aëri, quam qui in debita transpiratione degunt.

Tan.

Tandem quinto, quod iste hydropticus status periculosior fit, & plures exinde moriantur, quam ex primo scarlatinæ statu.

IX.

Ex quibus inferre possumus, quod scarlatina optimo jure in duos possit, & debeat dividi status, seu stadia, aut periodos, aut etiam typos dicendos. Primum scarlatinæ stadium complectitur omnia illa, quæ a principio morbi usque ad illum leucophlegmaticum tumorem eveniunt, quod tempus est viginti & aliquot dierum.

Ad secundum vero stadium referri debent omnia, quæ sub & post prædictum tumorem observari, & contingere solent. Hæc duo tempora debent necessario inter se distingui, quia medentium diversam exigunt attentionem, & curationem.

Interea notari velim, secundum stadium non ita arcte cum primo necati, ut

abesse non possit; multos enim vidi, scarlatina laborantes, si necessariæ cautelæ adhiberentur, a prædicto tumore liberos fuisse. Verum tamen ingenue fateor, quod, quamvis sæpe omnes possibles cautelas in usum vocarim, nihilominus periculosus ille hydropicus tumor, aliquando secutus fuerit.

X.

Hæc sunt præcipua, & fere communia symptomata, quæ scarlatinam concomitari, aut subsequi solent.

Dantur autem adhuc alia symptomata, quæ anomala, aut adiaphora dici possunt; & quæ cum scarlatina aliquando conjunguntur, aut illam sequuntur. Taliæ sunt: hæmorrhagia narium, tussis, saliva cruenta, molesta sternutatio, glandularum colli, & parotidum tumor, obauditio, aut surditas; purpura tam alba, quam rubra, quæ quandoque cum scarlatina conjungitur, aut illam excipit. Præterea diversi quandoque solent fieri tam inter-

interne , quam externe , ut in faucibus,
in auribus, pectore, aliisque partibus,
abscessus.

XI.

Notabiles sunt quidam scarlatinæ speciales casus : In his enim videntur ægri secundis velis procedere , neque in ægris quidquam apparet , quo quidquam mali ominari valeamus ; ast die morbi septima , aut octava , aut etiam tardius ægri fiunt inquieti , mox convelluntur , delirant , tristes clamores saepe edunt , & continuo e lecto profilire nituntur.

Iste horrendus & lamentabilis status aliquot horis magis , aliis vero minus affigit ; & aliquando ad duas , tresve hebdomadas extenditur , ægros viribus exhaustit , & plerumque e medio tollit.

Hic notatu dignum est , quod in similibus ægris nec cutis decorticationem , nec prædictum hydropicum tumorem unquam observaverim . Adeoque suspicari licet ,

materiam illam exanthematicam ad cerebrum versam, ibidem sedem fixisse, & hanc tragœdiam lusisse. Tales casus habui in filiis perillustrium DD. de Schmidt, de Eckenstorff, & de Stab, qui exinde denati sunt. Erant vero alii in eodem periculoſo ſtatu conſtituti, (inter quos fuit mea filia natu major) qui favore Numinis sanitati reſtituebantur, ut dein in obſervationibus clarius patebit.

Hæc funt, quæ multorum annorum decurſu in ſcarlatina obſervavi ſymptoma. Videamus nunc, quid alii illuftris, & experti in praxi medica Viri de eadem obſervarint, nobisque coſmunicarint, & qua ratione illorum obſervationes cum noſtris conſentiant, aut diſſentiant.

SECTIO II.

*Exponit diversas celeberrimorum de scarlatina
relationes, & observationes, cum annexa
modesta epicrisi.*


XII.

Expertissimus & indefessus morborum
observator, Sydenham, capite secundo
& alibi sequentia de scarlatina affert.

„ Aestate exeunte infantes præcipue in-
„ festat. Rigent & horrent sub initium;
„ nec tamen admodum ægrotant; cu-
„ tis universa maculis parvis, rubris,
„ crebrioribus, latioribus, & magis ru-
„ bentibus, quam in morbillis interstin-
„ guitur. Ad duos, tresve dies perfi-
„ stunt, quo quidem tempore evanescunt,
„ & decadente subjecta cuticula, squa-
„ mulis furfuraceis ad instar farinæ, cutis
„ conspergitur.

B 3

De



De Scarlatinæ curatione sequentia
habet capite secundo.

„ Cum hic morbus nil aliud mihi videatur, quam mediocris sanguinis effervescentia - - - nihil quidquam molior - - - fatis habeo, ut æger a carnis in solidum abstineat, & a liquoribus spirituosis quibuscunque, tum ut neque usquam foras prodeat, neque se perpetim lecto affigat. - - - Simplici hac & naturali plane methodo hoc morbi nomen (vix enim altius a surgit) sine molestia, aut periculo quo-vis facillime abigitur.

„ Veruntamen hoc animadvertendum volo: si convulsiones epilepticæ, aut etiam coma huic morbo sub initium eruptionis supervenerint, (quod quandoque accedit in pueris ac junioribus hoc morbo laborantibus) omnino oportet, ut epispaisticum amplum, ac fortius te

„ te posteriori cervici applicetur , atque
 „ porro , ut paregoricum e Syrupo de
 „ meconio statim exhibeat , repeten-
 „ dum singulis noctibus , usque dum con-
 „ valuerit , imperando interim , ut æger
 „ bibat pro potu ordinario , lac cum tri-
 „ plo aquæ coctum , & a carnis usu ab-
 „ stineat .

XIII.

Brevis & succincta epicrisis eorum ,
 quæ Clar. Sydenham de scarlatina effa-
 tus est .

Primo enim intuitu ex data de scar-
 latina descriptione cuilibet patebit , quod
 Sydenham scarlatinam in se tantum beni-
 gnissimam agnoverit , & delineaverit ; nam
 dicit , quod *leniter ægrotent , eadem affecti* ;
 & quod *tantum nomen morbi babeat , præ-*
tereaque nihil , & tandem quod unicum
diætæ regimen requiratur , ut abigatur.
 Quæ omnia , ut candide ego ipse fatear ,
 scarlatinam benignam tantum attingunt ;

minime vero malignam ; quæ , ut dein patebit , morbus acutissimus & periculissimus esse solet . Unde credendum est a Sydenhamo , nullum aliud notabile symptomata in scarlatina præter convulsiones , aut coma unquam observatum fuisse ; quia alias , sicut alibi in describendis morbis , illorumque symptomatibus perquam sedulum , & accuratissimum se exhibuit ; hic quoque aliorum meminisset , si talia unquam observasset .

XIV.

Interim fatis mirari non valeo , quod Richardus Mortonus , celeberrimus quondam in Anglia Medicus practicus , & Sydenhamo coævus scarlatinam malignam observarit , & descripscerit , quæ Sydenhamum latere videtur .

Quinimo magis adhuc miror , quod Daniel Sennertus celeberrimus quondam Practicus sæculo jam præcedente , adeoque

que longe ante Sydenham de scarlatina maligna scriperit, cujus Sydenham non meminit, quod inferius clarius patebit.

Ast quamvis Clarissimus Mortonius de scarlatina maligna mentionem faciat, in alio vero casu, vix alicui modernorum arridere poterit, ubi scarlatinam cum morbillis confundit, & unum eundemque morbum esse judicat. Sic enim capite V. de scarlatina ait:

Hunc morbum, nimirum scarlatinam, prorsus eundem esse cum morbillis censeo. - - Uterque eadem prorsus prognostica indifferenter ministrat; nec minus eandem plane mendendi methodum postulat: & plura similia. Dein vero ostendam, hos duos specie diversos esse morbos; adeoque debere habere aliam prognosim, & aliam curationem. Ego sancte & candide fateri possum, quod ex tot centenis ægris morbillis laborantibus, qui meæ curæ se commiserant,

neminem amiserim; quinimo ex aliis eodem morbo affectis, & aliorum medicorum curæ commissis, rariissime quempiam exinde denatum legerim aut viderim. Contrarium autem obtinere in scarlatina maligna omnes hujates medici practici norunt. Adeoque exinde jam elucescit, scarlatinam, & morbillos specie diversos esse morbos.

Accedit, quod ordinaria contagii lege a scarlatina scarlatina; a morbillis vero morbilli contrahantur, & ultro propagentur.

Ex his ultro constat, quantum Sydenhamii & Mortonii de scarlatina iudicium, & observationes a nostris superius expositis differant; neque enim reor necessarium esse, ut per partes ostendam, quæ cuilibet hæc legenti patent.

XV.

Videamus ultro, quid Eruditissimus & in republica litteraria Meritissimus D.
Joann.

Joann. de Gorter, Professor in Hollandia Celeberr. de scarlatina sentiat. In suo systemate praxeos medicæ Tom. II. pag. 196. de scarlatina sic effatur.

„ Macularum Scarlatinus color, quæ
 „ in levi febre oboriuntur; huic morbo
 „ dedit nomen, incipiunt plerumque in
 „ tenella ætate, tertio, vel quarto die
 „ febris levioris, non diu persistunt, in-
 „ sensibiliter evanescunt, relictis in cute
 „ quibusdam furfuribus; in facie incho-
 „ are solent sensim latores factæ maculæ,
 „ reliquum etiam interdum tegunt cor-
 „ pus. Levis videtur biliofa corruptio
 „ calore antecedentis æstatis in tenella
 „ ætate, motu febrili ad cutim pulsa,
 „ ubi exarescens materia corpus relinquit
 „ fanum. (a)

„ Hæc materia ante eruptionem ober-
 „ rans generat febrem, calorem, dolo-
 „ rem, anxietatem, tussim, sine pericu-
 „ lo. (b).

LVI.

Si hæc cum illis, quæ Clarissimus Sydenham de scarlatina nobis communicavit, combinentur, videntur quoad omnia ad invicem convenire, adeoque scarlatinam benignam, minime vero malignam, multo minus illa funesta consectaria, quæ in secunda ejus periodo evenire solent, attingere. Hoc patet ex illis, (a) ubi dicit, quod *exarescens materia corpus sanum relinquat*. Item (b) quod generet febrem, calorem, dolorem, anxietatem, tussim sine periculo.

Interim si tempora combinare licet, quibus Eruditissimus, Magnificentissimus D. Archiater de Haen in sua ratione medendi asserit scarlatinam, per quam malignam 1748. in Hollandia grassatam fuisse, mirari satis non valeo, quod Clar. D. de Gorter, qui 1750, adeoque bienio tardius hæc de scarlatina opera evul-

ga-

gavit, nullam de prædictæ scarlatinæ malignitate mentionem faciat.

Hic essent alii plures celebres medici practici, ut Nenterus, Junckerus, Dover, aliique plures adducendi, qui, sicut Sydenham, scarlatinam vix aliquam curam, aut attentionem mereri fatentur; quapropter etiam omittuntur. Interim ultimi tantum Autoris in idioma gallicum verbi (*legs d'un ancien Medecin à sa patrie*) aliquot vocabulorum meminisse oportet, ut coram constet, quod scarlatinam, alias sæpe funestissimum morbum, flocci faciat; postquam enim de morbillis egerat, sic effatur:

„ Cette fièvre est d'un genre encore
„ plus doux, & plus traitable, que ce-
„ lui de la Rugeole, & n'a pas besoin
„ de l'asfistance du Medecin.

XVII.

Supersunt tamen alii, graves autores, qui quamvis non exquisite, debito-
que

que ordine, nihilominus tamen melius & magis apposite scarlatinæ decursum explanarunt. Sic in Ephemerid. nat. cur. ann. 6. & 7. observ. 145. pag. 206. sub specie purpuræ scarlatinam descriptam invenio a D. Simone Schulzio, ubi agit de purpura maligna infantum hoc modo:

„ Cum 1664 hiems mollis, & pluvioso
„ sa effet, graffabatur apud nos vere pri-
„ mo in sequente purpura epidemica ma-
„ ligna, quæ per totam æstatem, & au-
„ tumnum usque in hiemem fæviebat,
„ plurimosque infantes utriusque sexus,
„ & duodecimum annum attingentes (nam
„ ultra hanc æstatem vix ascendebat,))
„ perimebat. Plerique secunda die mor-
„ bi, nonnulli etiam prima moriebantur;
„ illi solummodo evadebant, qui nulla
„ faucium inflammatione vel tumore æde-
„ matoso (variabant enim ista pro diver-
„ sitate naturarum) infestabantur. Tum
„ omnibus ab isto morbo liberatis post

„ CO-

„ piosum sudorem (nonnullis etiam di-
„ arrhæa, sed tantum unius, vel alte-
„ rius diei critica profuit) squamæ deci-
„ debant, rubore cutis evanescente. Tan-
„ dem, præsertim natu majoribus tumor
„ totius corporis instar leucophlegmatiæ,
„ & infimi ventris sequebatur, qui per
„ aliquot septimanas miseris molestus erat;
„ sudoreque etiam solvebatur, interdum
„ etiam largius profluente in curatione
„ admiscebantur sudorificis bezoardica.

Hic videmus sub nomine purpuræ de-
pictam scarlatinam epidemicam perquam
malignam, quæ aliquando prima, aliquan-
do secunda morbi die ægros trucidare so-
lebat. Hic annotantur periculosissima ejus
symptomata, nimirum, faucium inflam-
matio, & tumor leucophlegmaticus. Sa-
ne dein patebit, quod plurimi scarlatina
laborantes ex his duobus funestissimis sym-
ptomatisbus e medio tollantur. Quod ve-
ro curationem scarlatinæ concernit, dici-
tur

tur illa in bezoardicis & sudoriferis ad invicem mixtas confistere ; verum dein patet , quod , si talia remedia volatilia sint , plus detrimenti , quam emolumenti in hoc morbo afferant ; si vero sint insipida , terrestria , & fixa , inania sint medicamenta , & quæ , si in primis viis nullum adsit acidum , una cum excrementis per alvum deturbari soleant .

XVIII.

Sequentia etiam de scarlatina legimus in Actis. Med. Berol. Decad. prima Volum. 2^{do} pag. 20. & sequentibus .,, Invasit febris scarlatina patientes cum rigoribus , cephalalgia , & cardiaca nausea , quam excipiunt , communiter vomitus ; efflorescit quarto , vel quinto die sensim , atque sensim post præcedaneam asperam papillularum cutaneum elevationem rubidine per universum corpus a capite usque ad cæm

„ cem cum cutis aliquali intumescentia,
„ ita, ut patientum externus aspectus re-
„ ferat ideam cocti cancri. Ista rubedo
„ interiora narium, limbosque & angu-
„ los oculorum obducit, - - versus se-
„ ptimum diem sine sudoribus rubor iste
„ fit remissior, cuticulaque inchoat de-
„ squamari, & tunc maxime, dum mor-
„ bus declinare videtur; fauces aph tho-
„ deo-inflammatoria congestione (a) pe-
„ riclitantur.

Reliqua vero, quæ ibidem paginis
sequentibus habentur, ad nostrum sco-
pum vix pertinent; dicitur nimirum scar-
latina a Belgis *Rood-bont* appellari; unde
etiam factum esse Christ. Joannes Langi-
us asserit, ut scarlatina in Saxonia *der*
rothe Hund vocetur. Lindanus vero
illud exanthema, quod Belgæ *Rood-bont*
appellant, ait, esse pustulas rubicundissi-
mas instar flammæ urentes; quæ potius
ad rosalia, aut urticatam referri debent,

quam ad scarlatinam , quæ non in pustulis , sed maculis rubicundis consistit.

Eadem fere de scarlatina legi possunt
ibidem Vol. VI. pag. 21.

XIX.

Quantumvis itaque hic videatur scarlatina maligna secundum quid exposita esse , ejusdem tamen curatio non alia , quam supra dicta Sydenhamiana adducitur ; quæ , quamvis omni scarlatinæ conveniat , est tamen impar hæc sola illis , quæ scarlatinam malignam concomitari , aut sequi solent , tollendis diris symptomatibus .

(a) Hic dicuntur fauces inflammatoria congestione affici dum morbus declinare videtur , quod circa octavam , aut nonam morbi diem contingere deberet .

Ego ingenue fateor , quod primis tribus aut quatuor morbi diebus plerumque talem anginam inflammatoriam observaverim , rarissime tardius ; ut dein ex observationibus patebit .

XX.

XX.

Duo adhuc supersunt celebres de scarlatina Scriptores. Unus est Daniel Sennertus, Archiater Saxonius, & celeberrimus quondam Medicus practicus, qui jam sub initium sæculi præcedentis, adeoque fere primus scarlatinam quamvis anonyme, interim sat apte ad rem descripsit; quæ enim Forestus lib. 6. observ. 41. & 59. affert, potius ad purpuram, quam ad scarlatinam referri debent.

Alter vero recentissimus & eruditissimus autor, & scriptor est D. de Navier Academiæ scientiarum Parisinæ socius, qui idiomate gallico dissertationem epistolarem de diversis morbis epidemicis 1753 edidit, publicque juris fecit.

Clarissimus Daniel Sennertus libr. IV. de febribus cap. XII. de variolis & morbillis scarlatinam sub specie morbi anonymi sic descripsit:

„ Præter has differentias adhuc alia
„ est, sed rarer quidem, quam aliquo-
„ ties observavi, quo nomine autem ab
„ aliis discernerem, hactenus dubius fui;
„ et si enim instar erysipelatis totum fere
„ corpus prehendat, tamen non vidi, quod
„ adultos (*a*) quod in erysipelate fere
„ fieri solet, sed infantes solum corripiat.

„ Malo ergo ad morbillos referre; &
„ forsan malum est, quod Forestus lib. 6.
„ observ. 59. Purpuram & rubores appel-
„ lat. Joann. Philipp. Ingraffias rosaliam
„ a Neapolitanis nominari scribit. (*b*)

„ Maculæ rubræ & quasi ignitæ cum
„ vix effatu digno tumore per universum
„ corpus, quasi parva erysipelata erum-
„ punt in principio, seu morbi die quar-
„ to, vel quinto (*c*) In statu vero univer-
„ sum corpus rubrum, & quasi ignitum ap-
„ paret, ac si universaliter erysipelate labora-
„ ret. (*d*) In declinatione rubor ille immi-
„ nui, & maculæ rubræ latae, ut in principio

„ ite-

„ iterum apparent, quæ tandem septimo
„ vel nono die evanescunt, epidermide
„ squamarum instar decidente.

„ Malum hoc grave, periculosum, &
„ sœpe lethale est; nam calor est ferventis-
„ simus, fitis inextinguibilis & plerumque
„ pulmonum (unde tusses excitantur) fau-
„ cium, & aliorum viscerum inflammatio-
„ nes, deliria, & alia mala urgent (e)
„ In declinatione tandem materia ad
„ articulos extremorum transfertur, ac
„ dolorem, & ruborem, ut in arthriticis
„ excitat, cutis squamarum instar deci-
„ dit; mox pedes ad talos, & furas uf-
„ que intumescunt; hypochondria læ-
„ duntur, respiratio difficilior redditur,
„ tandemque abdomen intumescit, (f)
„ ægrique non sine magno labore, & post
„ longum tempus pristinæ sanitati resti-
„ tuuntur, sœpe etiam moriuntur. - -

Et reliqua, quæ quilibet, si lubet,
ibidem legere potest. Eruditissimus hic af-

serit, quod Scarlatinam in adultis nec dum observaverit (*a*) unde judicat, esse morbum infantum; sane hoc modernis & repetitis observationibus videtur esse conforme; quia, ut dein videbimus, rarissime adulorum aliquis eadem affigitur.

Neque mirum cuiquam videbitur, si clarissimus Sennertus dubius hæreat, an ad morbillos, ad purpuram, aut rosali-
am, talem morbum referre debeat, ut
(*b*) cum nostro adhuc tempore multi illus-
tres viri easdem erroneas soleant imbibe-
re opiniones, sed dein ostendam, scarla-
tinam esse morbum ab omnibus his diver-
sum. Præterea unicuique hæc attente le-
genti, & consideranti patebit, quod fa-
mosissimus quondam Practicus Sennertus
videatur hic vix non omnia, aut saltem
præcipua scarlatinæ malignæ recensere
symptomata, ut (*c*) (*d*) (*e*) & (*f*)
clare demonstrant, exceptis tantum qui-
bus-

busdam ; quæ partim ex jam dictis , par-
tim ex dein dicendis patere possunt.

Quapropter satis mirari non possum,
quod tot , & tam illustres autores , qui
post illum de morbis , in specie vero de
scarlatina scripserunt , tam mance & de-
fectuose eandem explanarint , & cum Sy-
denhamio scarlatinam benignam , nullo mo-
do malignam descripserint , & exscripserint .

XXI.

Clarissimus autem & recentissimus de
scarlatina , aliisque morbis epidemicis scri-
ptor D. de Navier sequentia de scarlatina
nobis communicavit :

„ Variolis tandem a mediocri orto fri-
„ gore fere penitus extinctis , tempesta-
„ te dein paulo mitius facta alias appa-
„ ruit epidemicus morbus variolis longe
„ magis inflammatorius , febris nimirum
„ rubra , scarlatina dicta. Hic morbus
„ per febrem admodum vehementem se
„ manifestavit , quæ animi deliquiis , lassitu-

„ dinibus spontaneis, capitis fauciumque
„ doloribus, deglutitionem impedientibus
„ comitata erat.

„ Secundo die & saepe post viginti qua-
„ tuor vel triginta horas in toto corpo-
„ re maculae rubrae, vivido scarlatino
„ colore, largae, manus magnitudinem
„ saepe excedentes, figurae irregularis,
„ & dorsum, pectus, femora & nates
„ saepe ita tegentes, ut unica tantum esse
„ videretur, apparuerunt. Haec maculae
„ quovis fere momento disparentes, se in
„ alia loca erysipelatis more conferre vi-
„ debantur, in quibus antea non fuerant.
„ Manus easdem tangens, calorem vivi-
„ dum & ardensem præcipue in adultis,
„ sentiebat, & cutis ruberrima digito
„ compressa albescens remoto digito sta-
„ tim rufus rufescet.

„ Pulsus parvus & frequens erat, &
„ respiratio difficilis & intercepta & fin-
„ gultuosa in plurimis esse videbatur. Ha-
„ lituo-

,, lituosus vapor e pulmonibus egrediens
,, adeo calidus & urens deprehendebatur,
,, ut unusquisque hunc percipiens faciem
,, ab ægro statim avertere cogeretur. Hæc
,, febris etiam interdum cum manuum &
,, brachiorum inflatione conjuncta fuit,
,, integrasque familias, aut insimul, aut
,, successive invasit. Vedit Cl. auctor in-
,, fantes hoc morbo laborantes, quibus
,, prodigiosa leucophlegmatia supervenit.
,, Quidam hac febre laborans, & usque
,, ad palpebras leucophlegmaticus, par-
,, cissimam brunam urinam reddens, qua-
,, lem in hac febre sæpiissime, imo in-
,, terdum sanguinolentam secedere afferit
,, Cl. auctor, præmissis præmittendis,
,, ab omnibus symptomatibus vesicato-
,, riorum applicatione, liberatus fuit.
,, Quidam ventrem flatibus distentum
,, (dans un état de météorisme) & lin-
,, guam valde ficciam plurimi vero humi-
,, dam habent.

„ Iis, qui emergunt, epidermis, quin-
„ to vel sexto die per squamas decidit,
„ quinimo adolescenti tredecim vel qua-
„ tuordecim annorum tota manus pedis-
„ que cuticula exceptis unguibus decidit,
„ quarum unam Cl. Auctor adhuc asservat.

„ Nisi ægro statim in primo morbi im-
„ petu succurratur, escharæ gangrænosæ
„ in fundo faucium versus arcus & velum
„ palati superveniunt, & hisce ortis pau-
„ ci emergunt ; hæc gangræna æsophaga-
„ gum asperamque arteriam sæpe ante
„ occupat, quam illam percipere, illi-
„ que mederi queamus : Progressum vero
„ hujus internæ gangrænæ quam certissi-
„ me impedit gangarisma ex oxymelle cum
„ adjecto spiritu vini camphorato, qui
„ vero Hoffmanni methodo sale alcali-
„ præparatus esse debet, ne aquosis mix-
„ tus lactescat. Quidam hac febre rubra-
„ affecti quarto, vel quinto die eodem
„ modo pereunt, ac si per inflammatio-

„ nem

„ nem gangrænosam pulmonum suffoca-
„ ti essent; alii post vehemens delirium
„ morientis magnam sanie quantitatem
„ per os & nares reddunt, & rubræ an-
„ tea maculæ post mortem in quibusdam
„ prorsus violaceæ conspiciuntur. Hæc
„ symptomata vero in infantibus longe
„ minus violentia sunt, remediisque fa-
„ cile cedunt.

„ Causam hujus morbi non solum cum
„ illa, quæ sudorem anglicum, aphtham
„ gangrænosam, dysenteriam &c. ex-
„ citavit, eandem esse dicit, sed in mi-
„ asmate, quod cum morbilloso compa-
„ rat, acri, caustico & putrefaciente
„ confistere, ipsumque morbum analo-
„ giam alere perhibet cum morbo epide-
„ mico pecorum. His enim convalescen-
„ tibus pili & epidermis eodem modo de-
„ ciderunt, ac hominibus cuticula, &
„ in cadaveribus pecorum apertis sem-
„ per viscera quædam gangrænosa inve-
„ nit

„ nit Cl. Auctor. Ex pecorum igitur
„ morbo hanc febrim per contagium or-
„ tam esse arbitratur, eandemque cum
„ variolis ideo quoque convenire asserit,
„ quia magnus infantum numerus eandem
„ brevi ante vel post variolas habuerit.
„ Virgo quædam post hanc febrem va-
„ riolis discretis benignissimis laboravit.

„ Venæfæctio interdum ob vehemen-
„ tiam inflammationis summe necessaria
„ est. Præfert vero venæfectionem in
„ brachio, illam enim in pede institutam,
„ varia sæpius exceperunt incommoda,
„ in primis si viscera, quod sæpiissime
„ fieri asserit, inflammatione quadam af-
„ fecta fuerunt. In delirio vero vel co-
„ mate jugularem quoque secare curavit.
„ Serum lactis tamarindinatum plantis-
„ que nitrosis sociatum pro potu largo &
„ clysmate injiciendum, post institutam
„ venæfectionem maxime commendat.
„ Si purgantia propter symptomatum
„ vio-

,, violentiam exhiberi non possunt, ves-
,, catoria inter scapulas vel in suris opti-
,, mi effectus esse deprehenduntur. Ad
,, refrænandum statum solidorum spasimo-
,, dicum paregorica parva dosi post pur-
,, gationes vero majori exhibuit. Infan-
,, tes, hac febre scarlatina decumbentes
,, ordinarie ante febrem tussi ferina labo-
,, rarunt, quæ vero cum febre fese im-
,, minuit & cum illa quoque evanuit.,,
Vide Commentar. de rebus in scientia na-
turali & medicina gestis, Part. I. Vol.
IV. pag. 338.

XXII.

Quemadmodum D. Daniel Senner-
tus omni cum fundamento primus dici de-
bet, qui morbum, quem nunc scarlati-
nam vocamus, sat congrue descriperat;
ita nostro tempore non invenio scriptorem,
qui in explanatione scarlatinæ magis, &
melius responderet meis, quas superius jam
adduxi, observationibus, quam sit præ-
fatus

expertissimus D. de Navier. Hic enim præcipua scarlatinæ præsertim malignæ recenset, explanat & enumerat symptoma; periculumque, quod illis imminet, declarat, atque methodum, qua illis obviam eundum sit, egregiam exponit. In hoc vero mihi satisfacere non videtur, eo quod tempus, debitumque prædictorum symptomatum ordinem non determinet; sic exinde constare non potest, quando illa angina inflammatoria scarlatinæ advenire soleat, neque quando ille tumor leucophlegmaticus scarlatinam sequatur; ut nihil dicam de decorticatione, aliisque symptomatis, quæ scarlatinæ junguntur, & quæ ego jam recensui.

Item asserit, quod leucophlegmaticus ille tumor in infantibus tantum observetur; ego vero tales etiam in illis, qui non tantum ex infantia, sed & ex ephesis exceperant, observavi, ut dein patet.

Præ-

Præterea in meis de scarlatina captis experimentis dixi, quod die circiter ab eruptione sexta aut septima plerumque observari soleant, præsertim in manibus & pedibus, certæ pustulæ, albæ, aut albo flavescentes, & purpuram albam referentes; quæ si rite explorentur, nil nisi aëra in se continent; & ideo ut superius dixi, potius vesicæ dicendæ, propter quod etiam a purpura alba distingui debent. Tales pustulas neque a nostro recentissimo scriptore, neque ab alio annotatas legi; quamvis nullus dubitem, quin tales, ut descripsi, sæpius etiam ab aliis observatae fuerint.

XXIII.

Tandem aliqua adhuc hic offendit de causis, & curatione scarlatinæ, quæ meis de contagio principiis contrariantur. Quare spero fore, ut Cl. Autor innata sua humanitate patiatur, quædam scholia,
serva-

servatis pariter debitis humanitatis legibus , sibi opponi.

Sic enim causam materialem scarlatinæ cum illa , quæ morbillorum , sudoris Anglici , & aphtharum est , comparat & eandem esse judicat.

Item asserit , scarlatinam esse morbum analogum morbo epidemico pecorum ; rationem affert , quia in tali morbo epidemico pili & epidermis , sicut in scarlatina , decidere solent . Unde credit , quod ex tali pecorum morbo per contagium scarlatina ortum & originem duxerit .

XXIV.

Quod autem causa materialis scarlatinæ specie distincta sit a caussa materiali morbillorum , sudoris Anglici , aphtharum , aliorumque morborum , constat exinde , quia ordinaria contagii lege videsmus , a scarlatina scarlatinam , non vero morbillos , aphthas , aliquosque morbos ultro propagari & multiplicari . Item

aph.

Aphthæ solent occupare tantum os internum, fauces, aliasque partes adjacentes, non vero totum habitum corporis externum, ut scarlatina. Tandem in Aphthis sunt pustulæ, in scarlatina vero sunt maculæ, quæ nullam præferunt ultra cutem elevationem aut eminentiam.

Quapropter per se corruit illa scarlatinæ analogia cum morbo contagioso & epidemicō pecorum; multo magis vero ortus scarlatinæ a tali pecorum morbo; quæ sententia fere coincidit cum illa Clarissimi Listeri & Mead de ortu variolarum a morsu bestiolæ venenatæ, de qua jam superius in tractatu de variolis diximus.

Præterea huic sententiæ officit, quia deberemus sæpius observare, quod hoc tempore non tantum scarlatinæ contagium a pecoribus ad homines, sed quod etiam ab hominibus ad pecora propagetur, quod certe nullus adhuc observavit; quin hoc ipsum primis de contagio principiis adver-

satur; diximus enim in tractatu de contagio; aliam esse luem bovinam, aliam ovinam, aliam caninam, & aliam humanam.

XXV.

Quod vero curationem scarlatinæ concernit (unico excepto gargarismate cum spiritu vini confecto) judico perquam apposite talem institutam fuisse. Cum enim scarlatina in methodo medendi tanquam morbus inflammatorius ab expertissimo Viro consideretur, sic debet necessario sanguis mitti, item debent omnia diluentia & emollientia antiphlogistica in usum vocari.

Quare optime factum esse censeo, quod venæfæctio fuerit instituta, serum lactis tamarindinatum, diversis plantis nitrosis sociatum fuerit ægris in magna quantitate exhibitum; similia pariter clysmata injeta, & tandem pro rerum exigentia veſicantia apposita fuerint. De quibus omnibus dein, dum nostram de eodem morbo

cu-

curationem proponemus, prolixior erit sermo.

Interim cum hæc propter statum inflammatorium fiant, ex eodem fundamento ego sane non auderem, illud gargarisma ex oxymelle & spiritu vini camphorato in usum vocare; quia quamvis cum sale alcali methodo Hoffmanniana præparetur, gaudet tamen semper particulis acribus irritantibus & volatilibus, a quibus metendum est, ne faucium inflammatio potius augeatur, quam minuatur. Si vero illa deglutitio difficultis fit sine inflammatione, ut in scarlatina benigna aliisque rheumaticis defluxionibus contingere solet, tunc nullus abhorrerem, quinimo simile gargarisma ad impediendum ulteriorem ad partem affectam affluxum lubens suaderem.

XXVI.

Ex his, quas ego superius adduxi, & aliis, quas alii illustres practici annotarunt, observationibus, quisque cognoscet,

cet, & ut spero lubens fatebitur, scarlatinæ præcipue malignæ historiam, æthiologiam, præsertim vero curationem ad hæc usque tempora sat mancam, incongruam & inadæquatam fuisse; adeoque in his multa adhuc desiderari; quibus ego pro modulo & tenuitate mea saltem quoad quid satisfacere conabor; reliqua vero aliis perficienda relinquam. Interim si quis ex his, quæ jam dicta sunt, scarlatinæ definitionem seu descriptionem expostulet, sequens ex his erui poterit: nimirum, quod scarlatina sit morbus exanthematicus contagiosus & infantibus familiaris, in quo maculæ rubræ, plus minus latæ primo faciem, collum, pectus, dein universum corpus obsident; intra triduum aut quadratum, aliquando tardius evanescentes; nunc majorem, nunc minorem, aliquando etiam nullam comitem habentes febrem, ac tandem diversis aliis, prout benignæ aut malignæ sunt, stipatae symptomatibus.

Hæc

Hæc scarlatinæ generica descriptio determinat non tantum, quid sit, sed etiam quotuplex sit scarlatina, & quomodo ab aliis morbis exanthematicis differat. Quare fit

S E C T I O III.

De divisione & differentiis scarlatinæ.

XXVII.

Princeps & necessaria divisio scarlatinæ est in benignam & malignam; benignam illam vocamus, quæ levissimis & vix molestis stipata est symptomatibus; qualis jam superius a Clariss. Sydenhamio descripta fuit. Maligna vero periculosa & atrocia secum fert symptomata. Hæc est quidem generica scarlatinæ benignæ & malignæ descriptio, interim necesse erit, ut indicemus, quæ sint illa symptomata,

D 3

quæ

quæ scarlatinam benignam & malignam comitari solent, ut differentia unius ab altero eo magis & clarius unicuique patet; quod eo magis necessarium esse judico, quo plus ex observationibus constat, a scarlatina benigna nihil, a maligna vero plurimum metuendum esse. Scarlatina itaque benigna solet alias sanos, aliquando cum levissima aliquando etiam fine aliqua sensibili febre inopinato invadere, aliquando prima, aliquando secunda die, quandoque etiam tardius maculæ rubræ primo in facie, collo, & dein in reliquo corpore in conspectum veniunt; sive tridui, aut quatridui, raro diutius, & sine magna molestia perdurant, & tandem saepe sine omni desquamatione terminantur, quamvis Sydenham dicat, illas cum desquamatione terminari. Infantes tali scarlatina laborantes bene appetunt, & placide dormiunt, reliquaque functiones sine labore peragunt.

Hic

Hic tamen probe notandum esse iudicio, quod quandoquidem scarlatinæ etiam benignæ post quindecim aut sexdecim a scarlatina elapsos dies supervenire soleat leucophlegmaticus ille tumor, qui multo plus negotii, & ægro & medenti, quam ipsa scarlatina facessere confuevit.

XXVIII.

Aliter vero se habent symptomata in scarlatina maligna; nam ingens prostratio virium uti & appetitus, inopinato accidere solet, tandem sequitur vomitus; aliquando, sed raro diarrhæa; adsunt do-lores capitis, febris & fitis magna; inquietudines, anxietates, vigiliæ, sopor, aliquando delirium; tandem aliquando prima, aliquando secunda, aut tertia die in conspectum venit scarlatina; hoc tempore fauces dolent, tument, rubent; ut non tantum deglutitio, sed & loquela difficultis reddatur.

Hæc scarlatina maligna diutius solet habitum corporis occupare, quam benigna; nimirum aliquando ad sextam, aut septimam protrahitur diem. Una vero alterave die, antequam evanescat, exurgunt in cute, ut superius jam exposueram, illa phymata seu quædam vesiculæ, purpuram albam referentes, quæ majores & ampliores spatio bidui factæ flaccescunt & collabuntur; sicque illi mirabili decorticationi, quam superius descripsi, fundamenta præbent.

Hic pariter probe notandum est, quod prædictæ vesiculæ, præsertim, dum ampliores fiunt, videantur externa facie esse similes variolis spuriis lymphaticis dictis.

Ast magna est inter ipsas differentia, quia, si tales variolæ lymphaticæ aperiuntur, serum aliquod in se continent, in nostro vero casu semper observavi tales vesiculos esse vacuas.

Tan-

Tandem scarlatinam malignam sequitur plerumque superius jam descriptus tumor leucophlegmaticus, qui in benigna raro observatur.

Unde ex his, quæ hactenus dicta sunt, facile patet differentia scarlatinæ benignæ a maligna, quam quisque in praxi medica expertus non tantum in statu, sed jam ab initio morbi facile cognoscet.

XXIX.

Exanthemata scarlatina multis impo-
suerunt, & etiamnum imponere solent, ut
illa aut pro petechiis, aut pro morbillis,
aut pro purpura venditari soleant; quare
nunc ostendam, quæ sit differentia scar-
latinæ a petechiis, morbillis, purpura,
urticata, rosalia, aliisque exanthematibus.

Petechiæ enim raro ante quartam diem
morbi erumpunt; scarlatina vero aliquan-
do secunda aut tertia die in conspectum
venit. Secundo scarlatina faciem & totum
corpus occupat; petechiæ vero collum,

pectus, dorsum & lumbos obfident. Tandem petechiae sunt distinctæ maculæ, scarlatina vero habet unam continuam cutis rubedinem.

Scarlatina differt a purpura per id, quod purpura habeat papulas ultra cutis superficiem prominentes, scarlatina vero habeat maculas, quæ cutis superficiem non excedunt. Item purpura nunquam statim sub initium morbi in conspectum venit, sicut scarlatina.

Eadem ratione differt etiam scarlatina a morbillis, quod videlicet morbilli sint exanthemata supra cutem aliquantum prominentia, nec tam lata, ut in scarlatina præterea cum morbillis jungitur molesta tussis, coryza, & oculorum stillicidium, quæ in scarlatina non observantur.

Ex iisdem pariter rationibus differentia scarlatinæ facile eruitur ab aliis exanthematibus, ut rosalia, urticata, erysipelate, & maculis scorbuticis; quia priora prominentia habent exanthemata; ery-

sipelas vero unam tantum corporis partem occupat, scarlatina autem totum corpus; & tandem maculæ scorbuticæ non rubent, ut scarlatina, sed livent, item sunt sine febre, diuque corpus defœdant.

Hæc, quæ nunc de divisione & differentiis scarlatinæ dicta sunt, inserviunt pariter pro facienda scarlatinæ diagnosi; unde superfluum fore judico, diagnosin separatim tractare, ejusque signa distinctiva adducere, quia ex his jam facile cognosci potest, quæ benigna & quæ maligna dici debeat; item ex iisdem scarlatina facile a morbillis, purpura, aliisque supra dictis exanthematibus distingui potest.

S E C T I O IV.

De scarlatinæ causis.

XXX.

Quemadmodum aliorum morborum tam internas, quam externas, tam pro-

ximas, quam procatarcticas quisque medicus debet indagare causas, ita pariter nostra interest, scarlatinæ inquirere & assignare causas, quæ scarlatinam ab aliis exanthematibus distinguant, quod, ut eo facilius assequamur, sequentes observationes notandæ & præmittendæ erunt, ut

Primo, quod scarlatina plerumque epidemice grassari soleat, etenim uno alterove anno plures, alio vero neminem affigere solet.

Secundo, quod talis scarlatinæ epidemia, quamvis Sydenhamius illam ad autumnum tantum referat, quolibet anni tempore grassari soleat; interim viginti & aliquot annorum spatio ego hic Viennæ illam sæpius circa æquinoctium vernale, quam alio tempore observavi; quo tempore etiam observarunt D.D. Schulzius, Navier, aliique.

Tertio, quod scarlatina fit affectus, qui ut plurimum infantes, illosve, qui non

nondum ex ephebis excefferunt, invadere soleat; quamvis ego aliquos triginta, & ultro annos natos noverim, qui scarlatina correpti erant. Idem legimus in Actis med. Berolin. Dec. 1. vol. VI. pag. 21. ubi legitur foemina adulta scarlatina laborasse. Idem etiam observavit & annotavit Eruditiss. Magnific. D. Haen in scarlatina maligna, quæ 1748. in Hollandia grassabatur, & infantes adultosque corripiebat.

Quarto quod scarlatina præcipue maligna sit morbus summe contagiosus, & periculosus, qui integras familias quandoque delere solet, & ideo pestis infantum vocari confuevit. Si enim in communitate decem infantum unus eadem corripitur, vix aliquis præsentium ab ea immunis erit. Unde videtur ejus contagium facilius propagabile & multiplicabile, quam in variolis & morbillis ipsis.


Verumtamen adest hic observatio admiratione digna , quod aliquando sanguine juncti , quamvis longo locorum intervallo inter se diffiti , eodem scarlatinæ contagio afflari & fere eodem tempore laborare observati fuerint. Tales funesti casus attigerant quondam nimirum antetriginta circiter annos Nobilissimam familiam Austriacam , Comitum de Cурland , cuius quinque proles diversa prædia inhabitantes , ubi nulla scarlatina græf sabatur , scarlatina vix non eodem tempore corripiebantur , & summo cum nobilissimæ familiæ luctu enecabantur.

Tandem quinto , quod causa materialis scarlatinæ tam benignæ quam malignæ videatur , esse una eademque specie ; ratio asserti est , quia repetitis vicibus observavi , quod contagii lege scarlatina benigna communicata fuerit aliis , in quibus malignæ notas præseferebat , & vi cissim ; sic in communitate aliquot infan tum

tum non videntur omnes laborare maligna, neque omnes benigna. Hoc ipsum videmus in contagio variolarum, quod nimirum aliquis variolis discretis laborans easdem communicet alteri, in quo malignæ indolis notas exhibit. Verum hoc dein magis dilucidabitur, dum causa materialis scarlatinæ in aprico erit.

XXXI.

Cum itaque ex mox antea dictis constet, causam materialem scarlatinæ esse contagiosam & multiplicabilem, debemus primo determinare in quo proprie talis causa consistat; item cum ex observationibus constet, quod talis causa materialis non semper agat, seu non semper ultro communicetur, & multiplicetur, unde debent assignari tales causæ procatarcticæ, occasionales & disponentes, quæ illam causam materialem in actum deducant, ut hoc modo multiplicetur, id est, ut epidemice gressetur.



Quare, si considero generalia contagii principia, quæ superius in tractatu de contagio adduxi, nullus dubitabo, quin statuam, quod causa materialis scarlatinæ consistat in certis seminiis animatis multiplicabilibus; eodem fere modo, uti scimus, & videmus, alia semina animalium & vegetabilium ultro propagari & multiplicari; qua ratione propter analogismum facile concipitur & explanatur, quidquid in hoc genere discutiendum occurrit.

Etenim pro certo habeo, quod si cum miasmate scarlatinæ fieret insitio, aut inoculatio, uti talis cum variolis fieri consuevit, quod scilicet scarlatina exinde exurget, & non aliis morbus, in qua opinione eo magis confirmor, ex aliis experimentis non pridem institutis. Sic novimus, hoc modo morbillos, quin imo morbos contagiosos arimentorum propagari, & multiplicari posse. Vid. Tractat. de contagio, & de variolis. Si igitur scar-

la-

latinæ variolarum , aliorumque morborum contagiosorum eadem est ratio , & modus propagandi & multiplicandi , uti in vegetabilibus , tunc sicut admittere debemus , quod in vegetabilibus fiat propagatio & multiplicatio per propria semina , idem a posteriori dicendum erit de scarlatina , aliisque contagiosis affectibus.

Quare huc quam optime quadrat , illud eruditissimi Marcelli Malpighii sapientissimum effatum : *Rerum enim natura tenebris oboluta , cum solo analogismo patet , tota percurrenda venit . &c.*

XXXII.

Postquam igitur pro causa materiali scarlatinæ certa & propria seminia constituissemus , supereft , ut procatarcticas & occasioñales seu prædisponentes affigne-mus caußas , a quibus prædictum miasma , seu seminia in actum deducantur .

Quare judico , tales procatarcticas caußas a certis tempestatum mutationibus

plerumque dependere; quæ vero illæ tempestatum mutationes sint, difficile est determinatu, quia quascunque sensibiles assignavero, semper verum erit, quod sub iisdem mutationibus etiam alii morbi contagiosi, ut variolæ, morbilli, petechiæ, purpura, aliquique aliquando grassari soleant.

Quapropter necesse erit, ut recurramus, aut ad certos ventos talium seminiorum vectores; aut ad talium seminum certum, & debitum maturitatis terminum, ad hoc, ut dicere possimus, quod hæc seminia scilicet scarlatinæ potius, quam alia in actum ducantur.

Unde tales caussas prædisponentes deduco a tempestatibus humidis præsentibus, vel prægressis, & diu durantibus, aut a certis tunc temporis flantibus ventis, Euronothis, aliisque Australibus, seminum vectoribus, illorumque evolutiones foventibus & promoventibus. Taliæ enim semina vel a prædictis caufis af-

fe-

afferuntur, vel inertia jam dudum latenta, in actum deducuntur, hoc est massæ humorum communicantur, ibidem evolvuntur, & multiplicantur, humores inficiunt, & conspurcant, uti superius in tractatu I. de aqua nuceriana putrida §. 74. dictum fuit; ista materia putrida exanthematica in massa humorum aucta, aliquando occupat pulmones, hepar, ventriculum, aliaque interna viscera, alia vero subsistit, & hæret maximam partem in membrana cellulosa, ejusque vasis; unde etiam fit, ut non tantum totus corporis habitus rubicundus, sed etiam plus aut minus tumidus appareat; quin imo dein ostendam, quod subsequens ille leucophlegmaticus tumor exinde dependeat.

XXXIII.

Iste, de quo nunc dixi, est communis & ordinarius contagia propagandi, & multiplicandi modus. Interim debemus admittere, quod causa materialis conta-

gii, sive scarlatinæ, sive cujusque alterius, aliquando interne in corpore lateat, diuque hæreat iners ibidem, donec a certis causis in actum ducatur, ut evolatur, efflorescat & multiplicetur. Ratio vero & necessitas, talia seminia in corpore latentia admittendi est:

Primo, quia ex observationibus habemus, quod scarlatina, uti jam diximus, de variolis & purpura (§. 21.) aliquando sporadice, & dum nulla adeat epidemia, efflorescat.

Secundo, quia experientia nos docet, quod profunda, fortis imaginatio, horror, aut terror tales excitare possint morbos exanthematicos. Vid. Tractat. de contagio, & alium de variolis.

Tandem tertio, quia in prædicto casu DD. Comitum de Curland aliquot miliaribus ab invicem distantium, & scarlatina fere eodem tempore laborantium, leges ordinariæ contagii locum habere non

pos-

possunt; quis enim admittere poterit scarlatinæ contagium ad aliquot milliarium distantiam propagatum, aliisque fratribus & sororibus communicatum fuisse?

Quapropter admittere debemus, quod talia scarlatinæ seminia in illorum corporibus præextiterint; haec vero illis quondam communicata fuerint vel titulo hæreditario a parentibus vel ab aëre, esculentis potulantisque. Talia vero in nostris corporibus aliquando contingere, legere possumus Tractatum de contagio.

XXXIV.

Sed major videtur difficultas in eo, quod talia seminia brevi temporis intervallo in locis ab invicem diffitis, & ubi nulla scarlatinæ epidemia observabatur, omnes fratres & sorores prehenderit & affixerit. Hæc mira phænomena procul dubio deducere debemus, vel exinde, quod prædicta scarlatinæ seminia in corpore hospitantia sibi præfixum maturationis

& evolutionis terminum eodem fere tempore attigerint; vel quod ab illorum fortius imaginatione prædicta semina fere eodem tempore, ut efflorescerent & evoluerentur, in actum deducta fuerint; nam frater, qui primus scarlatina maligna laborabat intra triduum, quatriiduumve exinde denatus erat; quo tristi nuncio ab aliis fratribus & sororibus accepto, debuerit necessario in iisdem non tantum tristis & moesta idea, sed simul horror & pavor de hoc funesto morbo exoriri; ut exinde idem etiam morbus ortus fuerit. Vide Clar. Fieni elegantiss. tractatum de viribus imaginationis. Plura similia videri possunt in tractatu de contagio.

Huc enim referri potest obvia & nostris assertis analoga observatio, quæ ex vegetabilium efflorescentia & fructificatione deduci potest; sic constat, vegetabilium semina terræ mandata aliqua citius, alia tardius efflorescere; aliqua primo an-

no,

no, alia secundo aut tertio, alia vero longe tardius fructificare.

Hoc ipsum videmus etiam in animalibus; quædam enim, ut insecta, & alia animalcula minima, armato tantum oculo visibilia vix nascuntur, jam multiplicant, & multiplicantur. Vide Loewenheck de arcanis naturæ; alia vero intra unum, alterumve annum, aliqua, ut homo intra quindecim, & plures annos multiplicant: si itaque in aliis seminibus certos & diversos pro sui evolutione, & multiplicatione debemus admittere terminos, cur id ipsum etiam in seminiis morborum contagiosorum non admittamus non video.

Verum si hæc pro tenuitate mea alata alicui ut facile prævideo, non arrideant, ut meliora proferre studeat, quo, quibus ut assentiar, non laborabo.

XXXV.

Supereft adhuc aliis, quamvis forsitan valde rarus modus, quo scarlatina,

aliaque exanthemata externæ corporis superficie i communicari solent ; contingit nimirum quandoque , ut animalcula & feminia v. g. scarlatinæ in aëre volitantia ipso cuti adhærent , ibique sedem figant , aliquando etiam ultro penetrent , siatque reforbeantur , sicque in cute prædicta exanthemata exhibeant . Hac de re duas singulares , & valde curiosas adducam observationes , quarum primam invenio apud Clar . Lancisium in eruditiss . ejus tractatu de noxiis paludum effluviis lib . I . Part . I . cap . XVIII . Dum de minimis animalculis in locis humidis , & paludosis genitis , atque per aëra volitantibus , ratiocinatur , sic effatur .

Nam cum ejusmodi animalcula ab ambiente aëre in omnia foramina , quæ habent ostiola paulo latiora , quam sint illorum moles , soleant irrumper ; ubi tamen angustiora invenerint , fieri potest , ut cunei more diffindendo ,

vul-

„ vulnerandoque ampliora reddant, ido-
„ nea nimirum excipiendis illorum ovu-
„ lis. Probabilem vero ejusmodi conje-
„ cturam faciunt ea, quæ nos ipsi con-
„ tingere videmus, apud illos palustrium
„ locorum incolas, qui statim atque no-
„ cens illud hospitium experiuntur, fa-
„ ciei colorem in deterius mutare, va-
„ riisque pustulis, atque exanthemati-
„ bus foedari solent.

XXXVI.

Altera vero majoris indaginis, & ma-
gis curiosa legitur hac de re historia apud
Paulum Sorbait celeberrimum quondam
Practicum Vindobonensem in illius med.
Pract. Tract. III. cap. XVI. de febre
petechiali hoc modo.

Exanthemata petechiis similia totam
„ propemodum aulam cæsaream, & utrum-
„ que Gynæcum nuper 1674. in sylvula
„ ad pulchrum fontem dicta, cum sub-
„ dio inter abscissas arbores, comedia

„ exhiberetur, sub crepusculum nocturnum, corripuerunt; ita, ut ad gy-
„ næceum derepente vocatus tantam ex-
„ anthematum copiam nobilissimarum do-
„ micellarum corpuscula defœdantium,
„ obstupuerim; nullus aderat calor, non
„ conquerebatur de quadam cordis op-
„ pressione. Suspicabar primo suffitum
„ aliquem arsenicalem venenatum, ad
„ venti favorem a sicariis factum fuisse;
„ sed postquam intellexi, locum illum
„ plenum fuisse serpentibus, stellionibus
„ & lacertis, plurimas arbores putridas
„ vermibus plenas, & insectis putridis
„ & venenatis infectas adesse, nec lo-
„ cum adeo perflatum fuisse, conjeci, ad-
„ fuisse miasma quoddam, quo aër in-
„ sectus fuit, & consequenter homines,
„ qui tamen ab imbecillitate veneni omnes
„ persanati fuerunt; nec fuerunt pete-
„ chiæ, ut sibi quædam sinistre per-
„ suadebant.

Ex

Ex hac singulari, & notabili historia plura medicis practicis necessaria edocemur, & quidem primum, quod hic ab eruditissimo Sorbait annotatus exanthematicus affectus ad scarlatinam benignissimam reduci debeat.

Secundum, quod morbi exanthematici a miasmate animato, seu ab animalculis, illorumque seminiis per aëra volitantibus, & externæ superficie corporis adhærentibus, aut per alias vias eisdem communicatis dependere possint. Tandem Tertium, quod similis morbus exanthematicus, & benignus a petechiis, aliquique malignis distingui debeat.

Si quis vero plura de exanthematicis prædicta ratione communicabilibus, videre velit, legat & relegat elegantissima, omniq[ue] eruditione plena Illustriss. & Eruditiss. D. L. B. van Swieten commentaria in Tom. II. §. 723-4-5.

SE-

SECTIO V.

*Exponit symptomiata, & sedem
scarlatinae.*

XXXVII.

Statum morbi in scarlatina esse inflammatorium demonstrant rubor, ardor, dolor, & tumor, quare evidens est, sanguinem in minimis vasis restagnare, unde prædicta dependent.

Ista stasis videtur fieri præcipue in illis vasis, quæ membranam cellulosam perreptant, aut in eam terminantur; unde dein non tantum ille tumor, qui præsente scarlatina, adest, sed vel maxime alter tumor leucophlegmaticus, qui tardius scarlatinam subsequitur derivari debet.

Si consideremus experimenta, quæ Clariss. Ruischius de membrana cellulosa instituit, videbimus, quod illa non tantum omnia vasa sanguifera, illorumque

mini-

minimas ramifications; sed omnes etiam nervos, illorumque minimas divisiones obvolvat & comitetur; item quod hæc membrana in diversam molem tendi, & elevari possit; quod diversi tumores, præcipue vero emphysemata nos docent; si itaque hæc, aliaque similia perpendamus; facile concipiems, quomodo prædictus tumor in scarlatina fieri possit.

Major quidem videtur difficultas, de illo tumore leucophlegmatico, qui scarlatinam sequitur; sed facilius concipietur, si intimius illa, quæ sub ipsa scarlatina, aut statim post illam, obveniunt, perpendantur; dixi enim quod tempore exanthematum scarlatinæ humores in vasis ipsis, quæ cutem membranamque cellulosam perreptant, restagnent, adeoque hæc nimium tendantur, lacerenturque; unde dein tollitur illa cohæsio epidermidis cum cute, quam deinde sequitur illa desquamation & decorticatio.

Quo

Quo facto alia vasa peripheriae corporis privantur illo sibi necessario tegumento, & sustentaculo; unde mirum non est, quod ipsa membrana cellulosa, irruentibus majore quantitate in illam humoribus, tendatur, & in tumorem leucophlegmaticum elevetur.

XXXVIII.

Ex quibus etiam patet ratio illorum, quæ §. VIII. dixi; quare nimirum illi majorem desquamationem, & decorticationem experiantur, qui pluribus scarlatinæ maculis obsidebantur. Item quare illos major, & periculosior leucophlegmaticus tumor vexare soleat, qui majorem decorticationem experti erant?

Huc debet etiam referri singularis quædam observatio de cute sive boum sive ovium morbo aliquo contagioso denatorum; corium enim ex tali cute præparatum nullius usus esse solet, quia tan-

tam

tam possidet teneritudinem, ut facillime laxetur, & dilaceretur.

Ratio hujus phœnomeni in eo confitit, quod in tali morbo fiat stasis humorum in minimis vasis cutem perreptantibus unde hæc vasa partim nimium distenduntur, partimque rumpuntur; ex quo dein exurgit minor partium, fibrarumque cutis ad invicem cohæsio, minorque firmitas. Hæc vero adhuc magis patent, quod ex similibus morbis pili in brutis, capilli in hominibus suo nutrimento destituti, sponte decidere soleant.

XXXIX.

Dixi superius §. III. IV. & reliquis quod in scarlatina præsertim maligna adsit tam vehemens faicum tumor, rubor, & ardor, ut ægri quandoque nec deglutire, nec loqui, nec respirare valeant; ex quibus spero fore, ut quilibet judicet in tali casu summam adesse inflammationem, quæ non tantum laryngem, pharyngem,

lin-

linguam , tonsillas , aliasque partes in fau-
cibus fitas occupet , sed saepe etiam se-
ad æsophagum , ventriculum , arteriam
asperam , pulmonesque extendat ; in quo
casu affligit nausea , vomitus , aut per-
petuus nifus ad vomendum cum continuis
deliquiis & lypotemiis . A stasi inflam-
matoria arteriam asperam , pulmonesque
obsidente fit continua tussicula , respiratio
perquam difficilis , parva & frequens sum-
misque anxietatibus juncta .

XL.

Dum itaque prædicta mox recensita
ita fiunt , exurgunt exinde necessario alia
his similia , & lethalia mala ; nimirum
venæ jugulares , & vertebrales exinde com-
pressæ se in subclaviam , & cavam exo-
nerare non possunt ; adeoque fit stasis in-
flammatoria in cerebro , ejusque sinibus ,
unde dein sopor , delirium , convulsiones ,
gangræna , & mors expectanda sunt .

XLI.

XLI.

Dixi superius §. XXXI, quod causa materialis scarlatinæ tam benignæ quam malignæ videatur esse una eademque specie. Quia vero hæc propositio alicui paradoxæ videri posset, rationem dedi, quia nimirum experientia constat, quod a scarlatina benigna maligna, & vicissim a maligna benigna contrahatur; uti hoc ipsum in variolis benignis & malignis videmus.

Verum quia hæc ad convincendum quemquam ratio quandoque non sufficeret, sequentia spero omnibus satisfacent: sic hoc ipsum videmus in omnibus aliis seminibus vegetabilium, quod si eadem materialia semina in diversis locis, aut diversis terræ plagis, aut etiam diverso tempore terræ mandentur, quod nimirum fructus quoad aliquas circumstantias diversi exinde oriantur; quin imo videmus ex eadem v. g. arbore fructus quoad quædam

Tom. III.

F

ac-

accidentia , ut magnitudinem , colorem , maturitatem , diversos provenire. Quare ergo non etiam idem posset esse in seminiis scarlatinæ , & variolarum non video ?

Sic legimus in Bonet. medicin. septentrionali parte altera pag. 222. quod variolæ & morbilli in insulis orientalibus , & occident. sint semper maligni : Cujus rei causa non sunt seminia variolarum aut morbillorum , sed loca ipsa , aut aër , aut corpora incolarum ita disposita .

XLII.

Ast supereft hic difficilior quæfio , de efu mytuli solvenda. Experientia enim conſtat , quod quamdiu hoc venenum in ventriculo latet , exanthemata in circumferentia corporis oriantur ; quamprimum vero illud evomitur talia exanthemata dispareant. Vide eruditissima comment. van Swieten Tom. II. §. 399. Igitur evidenter exinde deducere possumus , quod

ex-

anthemata scarlatina, aut quæcunque alia
a prædictis seminiis verminosis non de-
pendeant.

Hoc argumentum videtur in fronte
habere aliquam vim, qua etiam illis, qui
nostrarum essent partium, imponere pos-
set; si vero in recessu consideretur, ap-
parebit, quod nostram de contagio sen-
tentiam potius corroboret, quam infirmet.
Nam duplicis generis debent admitti ex-
anthemata; nimirum illa, quæ contagio-
sa, seu ultro multiplicabilia esse solent;
qualia sunt: scarlatina, morbilli, vario-
læ, petechiæ, & similia. Item alia, quæ
non sunt contagiosa, ut lentigines, ephe-
lides, sudamina, maculæ hepaticæ, &
scorbuticæ; huc etiam spectant illa, quæ
a pulicum morsibus cuti infliguntur, &
petechias quandoque mentiuntur. Qua-
propter ad ultimam hanc classem debent
pariter reduci illa exanthemata, quæ a
comestis mytulis dependent. Quia nimi-

rum a mytulo in primis viis hærente, & internos spasmos excitante humores magna vi ad peripheriam corporis premuntur, qui ibidem subsistentes talia exanthemata exhibent. Dum vero mytulum evomitur, spasmi sedantur, & liber humorum circulus per vasa cutis conciliatur, sicque exanthemata evanescunt.

Hujus asserti clarissimum exemplum habemus in illis præcipue fœminis, quibus annis intra quadragesimum & quinquagesimum menstrua valedicere solent; istæ enim a spasmis internis, saepiusque recurrentibus vexantur, phlogofibusque afficiuntur, ex quibus facies ad instar scarlatinæ rubere, moxque pallescere solet.

Hæc sunt præcipua scarlatinæ symptomata, quorum non tantum decursum, sed & causas, rationesque pro possibili explanavi; supersunt plura alia expenda, quorum quia ratio facile patet, aut,
quia

quia jam superius §. XXI. data est, talia hic tacitus præterire volo.

S E C T I O VI.

Exhibit prognosis scarlatinae.

XLIII.

Scarlatinam benignam, si nullus infex rebus non naturalibus committatur error, esse omni periculo expertem omnes norunt practici. Altioris vero indaginis, & majoris periculi scarlatina maligna esse solet.

Scarlatina maligna habet suos malignitatis gradus, nam aliquando prima, aliquando secunda, tertia, aut quarta die, aliquando tardius interficere solet.

Gradus malignitatis desumitur a symptomatibus afflignantibus; si enim summa adficit prostratio virium, ingens in deglutitione,

tione, & respiratione difficultas, sopor, delirium, intra unam alteramve diem jugulare potest.

Si stantibus his diris symptomatibus pulsus sit parvus, & celer, videtur jam gangræna subesse.

A contrario multum sperare possumus, si ægri libere respirent, si exigua cum difficultate deglutiant, & si pulsus, non obstante ejus celeritate, sit fortis.

In infantibus cæteris paribus minus est periculum quam in adultioribus, quia illorum corpora magis sunt transpirabilia faciliusque sine dilaceratione fibrillarum tendi possunt.

Quo tardior & rarer fit scarlatinæ eruptio, eo benignior plerumque esse solet; quo autem citior, & copiosior corpus obsidet, eo periculosior esse consuevit. Interim vidi sæpe statim prima die scarlatinam benignissimam in conspectum venisse. Item observavi, quod, quamvis

vis exanthemata scarlatinæ fint rara, si tamen febris, & anxietates perseverent, semper mali moris dicenda sit scarlatina.

Quando scarlatina sedem mutat; hoc est quando nunc una, nunc altera pars corporis magis rubore videtur; aut quando universaliter in ambitu corporis nunc major nunc minor apparet rubedo; metuendum est, ne in aliqua interna corporis parte sedem figat, sicque periculum augeat.

Si in frequente, & copiosa scarlatina externus corporis habitus tumeat, facilis toleratur morbus, secus enim adest intolerabilis ardor.

Si corpus in peripheria tumeat, subsequitur certius decorticatio, quam si non tumeat.

XLIV.

Si dissipata jam scarlatina ægri adhuc febricitent, inquieti, & insomnes fint,

F 4 signum

signum est crisim necdum perfectam adesse,
adeoque multa adhuc metuenda superesse.

Quibus scarlatina ad decorticationem
disponitur, videtur quasi critice hac ra-
tione evacuari; observavi enim, quod ta-
les ægri non tam ex scarlatina quam ex
subsequo tumore leucophlegmatico metu-
endum habeant.

Si post superatam jam scarlatinam
præcipue malignam ægri ab omni febre
immunes sint; & tamen non appetant,
languidique maneant, signum est prædi-
ctum tumorem leucophlegmaticum in pro-
patulo esse.

Si tumor iste leucophlegmaticus cum
pulsu febrili conjunctus sit majus porten-
dit periculum, quam si sit sine febre.

Si adhibitis exquisitissimis, quæ ars
dictat, remediis, tumor ille leucophleg-
maticus nihilominus cedere nolit, tunc
vel fit raptus illius seri ad cerebrum, ex
quo ægri fiunt comatosi, sicque aut con-
vulsi,

vulsi, aut apoplectici pereunt. Vel fit decubitus ad cavitatem thoracis, unde dein sequitur suffocatio.

SECTIO VII.

*Scarlatinæ, ejusque graviorum symptomatum
curationem proponit.*

XLV.

In methodo scarlatinæ benignæ mendendi exponenda non detinebor; etenim ex illis, quæ jam superius adduxi abunde constat, medici satagentis opera opus non esse, sed sufficere, si tales ægri regimine, quoad sex res non naturales temperato utantur.

Unicum tamen in similibus casibus observandum tam ægris, quam medentibus injungo, ne scilicet evanescentibus jam exanthematibus ægri nimis cito aëri frigido

do se exponant, nam superius jam insinuavi, quod scarlatinæ etiam benignæ aliquando supervenire soleat, tumor ille molestus, & sœpe periculosus leucophlegmaticus dictus.

XLVI.

Si vero scarlatina maligna adfit, quæ cognoscitur ex signis §. XXVIII. & XXIX. tunc funestissimo huic malo exquisitis, & energiticis remedii quantocius obviam eundum est; quia hic ipse morbus, ut alii inflammatorii vel discutitur vel transit in gangrænam, aut abscessum, aut aliud §. III. & IV. descriptum affectionem. Quapropter indicationes curativæ ex datis de scarlatina causis §. XXX. formandæ erunt.

Pro prima caussa assignavimus miasma aliquod verminosum septicum multiplicabile.

Pro secunda vero, & quasi præcedentis effectu diximus esse dispositionem inflam-

inflammatoriam, quasdam partes plus, alias minus occupantem, & diversa symptomata, saepeque lethalia inducentem.

Unde indicationes exinde exurgunt. Primo: ut praedicta materia septica verminosa per appropriata antiseptica energetetur, destruatur, illiusque multiplicatio impediatur. Secundo: ut humores stagnantes in liberum circulum redigantur. Et tandem tertio: ut symptomatibus urgentioribus obviam eamus.

De prima indicatione deinde erit sermo, quia stasis inflammatoria in hoc morbo quandoque ita urget, ut nisi statim sub initium morbi hanc praे omnibus aliis resipiciamus, omnibus aliis conatibus oleum, & operam perdamus. Cum enim stasis inflammatoria cerebrum, fauces, aliasque nobiles partes occupet, debemus esse solliciti, ut liber humorum per has partes circulus procuretur, quod fit primo demendo quantitatem eorum. Secundo, impetum ipsorum

rum ad partes affectas minuendo, quod fit revellendo, & derivando. Et tandem tertio humores meabiles, & fluxiles reddendo.

Præterea una eademque fidelia debemus prædictam acrimoniam septicam respicere, & pro possibili mitigare, atque præsentia, urgentiora symptomata lenire, futuraque impedire.

XLVI.

Primis indicationibus satisfit, si illico sanguis ex pede, & in debita quantitate mitatur. Hoc modo enim satisfacimus & generalibus inflammationum, & nostris de scarlatina indicationibus; nam hac ratione demitur exuberans humorum quantitas, minuiturque impetus eorum ad partes affectas.

Ex quo dein evenit, ut alia liquida diluentia & antiphlogistica facilius nostris misceantur humoribus, illosque meabiles, & fluxiles reddant.

Scio quidem multos celebres praticos abhorrire a venæctione præsentibus

ex-

exanthematibus instituenda, quia erroneous
præjudiciis capti exanthematum retroces-
sum, aut retropulsum mutuant.

Verum superius in tractatu de vario-
lis §. CXXXI. diversis observationibus,
multisque gravibus autoritatibus ostendi-
tales vanos inanesque esse metus; qui-
bus sequentia accedunt.

Nam in nostro casu exigit venæsectio-
nem status morbi inflammatorius, & præ-
ceps ex neglecta, & omissa sanguinis mis-
fione vitæ periculum; quia brevissimo tem-
pore inflammatione affectæ partes in gan-
grænam mortemque terminantur, quibus
venæsectio in debita quantitate instituta
moras injicit; ut dein ex aliis appropria-
tis remediis multum sperandum restet.

Sanguis venæsectione extractus præ-
ditus est crusta tenaci, lardacea eodem
modo, ut in pleuritide, & peripneumo-
nia; adeoque sicut in his casibus, adhi-
bitis quibuscumque diluentibus, & anti-
phlo-

phlogisticis sine venæfectione nihil effici-
mus, idem dicendum erit in scarlatina.

Præterea non tantum meis, sed etiam
aliorum observationibus edoctus edicere
possum, quod nisi in scarlatina valde ma-
ligna quantocius sufficiens quantitas san-
guinis detrahatur ægri brevissime aut suf-
focentur, aut gangræna afficiantur. Quod
jam aliunde ex præcedente sectione II. &
§. XXI. constat.

Hoc ipsum confirmat, & corroborat
sua autoritate Clariss. Freind. Hist. med.
hoc modo.

„ In variolis, morbillis, erysipelate,
„ & scarlatina, si symptomata vehemen-
„ tiora fuerint, si caput, aut pulmones
„ vehementius urgeant, aliæque partes
„ ingenti dolore supra modum affician-
„ tur; ratio postulat, ut vena incida-
„ tur ac tuto fieri licet. Et teste expe-
„ rientia (nihil enim frequentius exper-
„ tus sum) audacter affirmo, me nun-
„ quam

, quam observasse potuisse, eruptiones
,, istiusmodi ex venæsectione retroire.

Ejusdem opinionis & observationis
sunt plures alii, quos prætero, practici.

XLVII.

Sed dices, certæ & evidentes cele-
brium practicorum observationes nos do-
cent, quod sæpe in morbis malignis, ut
in scarlatina maligna humores nostri cor-
poris non sint tenaces, viscosi, & crusta-
lardacea donati; sed potius dissoluti, dif-
flui, omnique consistentia carentes; ut in
peste Bredana, aliisque vide commentar.

D. L. B. van Swieten Tom. II. p. 421.
In simili vero casu venæsectio debet exu-
lare, alia vero remedia, ut incraffantia,
austeria, & acida mineralia præstitui de-
bebunt.

Ad hanc difficultatem respondeo,
quod in simili casu deberemus abstinere
a venæsectione; & prædicta remedia,
nostris dein dicendis, contraria, ordinare.

Ast

Ast hoc monitum volo, quod tales casus in nostris regionibus oppido rari esse soleant, quia ad talem humorum dissolutionem illi potissimum proclives sunt, qui endemio, & hæreditario titulo crafi humorum scorbutica prædicti sunt, quod in nostris regionibus oppido rarum est.

Ad hanc objectionem referri potest alia in scarlatina maligna observatio; nimur ego ipse aliquoties summa cum admiratione observaveram, quod vegeti & alias sanissimi infantes, aut juvenes, scarlatina maligna correpti brevissimo tempore cum pulsu debili, frequenti, & inæquali perquam debiles languerent; qua ex ratione hæsit mihi aqua, an in simili casu sanguis mittendus esset nec ne.

Sed experientia me a posteriori docuit, quod ex celebrata venæfessione similes ægri potius refocillarentur, quam opprimerentur; nam pulsus exinde fiebat æqualior, fortior, & mollior, quod denotat

in similibus casibus vires oppressas non vero exhaustas dici debere. Ast, ut clariss., & evidentius hæc pateant, quæ communibus, & apud medicos usitatis effero terminis, opus erit, ut quædam, medicis hoc tempore nota experimenta, consideremus.

Sic experimenta nos docent, quod si nervi a pari vago, & intercostali oriundi, & ad cor tendentes ligentur, aut quacunque ratione comprimantur, motus cordis, arteriarumque langueat, & palpitet, pulsus fiat exinde necessario debilis, celer & inæqualis. Item constat, quod nervi cingantur multis, & minimis vasibus, eorum partim lubricitati, partimque nutritioni inservientibus, atque nervorum ganglia constituentibus.

Si itaque in vasibus nervos ad cortendentes ambientibus fiat talis humorum stasis, tunc fibrillæ nerveæ premuntur, & comprimuntur eadem ratione, ac si ab

aliqua violentia externa premerentur. Igitur fiunt exinde omnia illa impedimenta in motu cordis, arteriarumque, quæ jam dixi, taliaque perdurant, donec prædicta stasis solvatur.

Ad hanc vero, uti ad omnes alias similes resolvendas stagnationes, quod venæfæctio plurimum conducebat, jam probatum fuit. Unde mirum non est, quod in similibus casibus pulsus, qui parvus, celer, & inæqualis erat post celebratam venæfæctionem fiat fortior, & æquallior.

Interim in talibus casibus semper bene perpendendum esse judico, an non stantibus his, subsit jam gangræna; in quo casu mortem, aliunde inevitabilem, venæfæctio potius acceleraret, quam præcaveret; quapropter satius est in tali casu ab omni sanguinis missione abstineret; ne medicus videatur occidisse illum, quem iniqua fors ipsa interemit.

Hæc

Hac vero occasione quamvis extra omnem meæ materiæ scopum , & ordinem, admonere possum , & debeo, quod plures , quam vulgo creduntur , momentosi , & imperscrutabiles nervorum affectus , ut præcipue diversi spasmi hypochondriaci , & hysterici , a tali stasi humorum in vasis nervos ambientibus , eorumque ganglia constituentibus , dependeant ; qui dein flagellum ægrorum , medicorumque dici solent.

Quod vero quantitatem sanguinis detrahendi , aut locum , ex quo mitti debeat , concernit , in tractatu de variolis maximam partem jam insinuavi.

XLVIII.

Præmissa ut jam dixi venæsectione debent alia , quæ pariter revellendo & derivando agunt , in usum vocari , taliæ sunt epispastica , vesicantia , quæ partibus inferioribus , aut etiam ad nucham applicari debent. Debet tamen ,

ut superius dixi in tractatu de variolis, præmitti sufficiens sanguinis detractio, secus plus damni, quam commodi ex vesicantibus expectandum erit.

Ad eundem scopum spectant enemata emollientia sæpius injecta, sive illa sint ex diversis speciebus emollientibus, sive ex decocto hordei, ex lacte, aut ejus sero perinde est, dum modo non sint acria irritantia.

XLIX.

Aliis vero supra dictis indicationibus, quæ acrimoniam & tenacitatem humorum respiciunt, satisfacimus per diluentia, temperantia, antiphlogistica, quæ fluxiles & meabiles humores reddunt, acrimoniamque septicam temperant.

Talia desumuntur ex aquofis, nitrofis, farinofis, fructibus horreis, oleribus, acescentibus, acidis, diluentibus, humectantibus, resolventibus, & saponeis.

Qua-

Quapropter huc spectant radices graminis, acetosæ acetosellæ, scorzonæ. Herbæ: ut acetosa malva, althæa, veronica.

Farinosa sunt semina frigida. Huc etiam spectant: Hordeum, avena, amygdalæ, fagopyrum, milium, oryza, semina papaveris.

Fructus horæi sunt: Poma citria, aurantia, poma acido dulcia, pruna dulcia, rybesia, rubi idæi, mora, fraga & similia.

Huc spectat lac dulce, ebutiratum, serum lactis. Tandem acida mineralia, ut spiritus nitri, vitrioli, sulphuris per campanam, & acida vegetabilia, ut specialiter acetum vini.

Ex his possunt componi multifariæ remediorum formulæ; nimirum: Decocta, infusa, extracta, emulsa, hydrogala, syrapi, julapia, rob, balnea, vapores, fomenta, clysmata, & similia.

Qui vero plura in eodem genere remedia desiderat, legat materiam medicam, & remediorum formulas venerandi Hermani Boerhavii, & Clariss. D. Davidis de Gorter.

L.

Superius in indicationibus formandis dixi, quod primo illud miasma contagiosum septicum deberet destrui, ejusque multiplicatio impediri. Verum quia ad hæc usque tempora ignoramus, talia specifica, quæ miasmati contagioso scarlatinæ directe opposita essent, sic hæc fuit una ex rationibus, quod nunc primo huic indicationi satisfaciam, cui primo satisfacere debuisse.

Quantum autem ex repetitis eruditissimorum practicorum observationibus nobis constat, habemus universale anti-septicum in cortice peruviano, qui in omnibus morbis contagiosis malignis præ omnibus aliis remediis hucusque inventis,

tis, efficacissimus deprehensus est, in quantum acrimoniam illam septicam temperat, illiusque ulteriore multiplicacionem impedit.

Ast in illis morbis malignis, qui cum aliqua inflammatoria dispositione coniuncti sunt, ut variolæ, & scarlatina, observationes docent, quod non conveniat, nisi prius inflammationi per missiōnem sanguinis perspectum sit; atque hæc & quidem princeps fuit ratio, quare in scarlatina primo de inflammatione, dein vero de ejus acrimonia septica sollicitus fuerim.

LI.

Quod vero cortex peruvianus in scarlatina maligna sit speciale remedium, optimumque antisepticum habemus ex observationibus celeberrimorum medicorum. Hoc videre possumus apud Mortonium capite V. de febre scarlatina in historiis IV. V. VII. VIII. IX. & X.

G 4

Idem

Idem sentit Eruditissimus, & Magnificientissimus D. Archiater Cæsareus de Haen.

Qui plura hac de re legere cupit, inveniet in nostro tractatu de variolis, & in nostris sequentibus observationibus.

Ast hic objici posset: quod effectus aliquis a cortice vix sperari posfit, nisi hic in debita, & sat magna quantitate assumatur, quod in scarlatina fieri non potest, quia in deglutitione difficultas quandoque tanta est, ut vix liquida deglutiri possint; adeoque talia proposita remedia sunt de subjecto non supponente.

Ad hoc respondeo, quod in simili diffcili casu alia ratione procedendum sit. Nimirum debet corticis extractum, aut ejus sal methodo Gareana præparatum in aqua appropriata solutum, sicque in parva dosi, & saepius exhiberi; qua ratione non tantum facilius assumi poterit,
sed

sed & remedii major efficacia, non obstante minore quantitate, compensabit illam magnam quantitatem corticis in substantia assumendi.

Præterea poterit ex cortice, & aliis speciebus emollientibus saturatum decoctum confici, & exinde clyisma sæpius injici; sic enim fiet, ut magna similis decoctionis virtus per vasa absorbentia bibula ad massam humorum feratur, & eundem ac si per os assumpta fuisset, exerat effectum.

Hoc confirmant alia experimenta, quibus constat ex enematibus nutritivis corpus diu nutririri posse. Item experimenta nos docent, quod per saturatas chinæ chinæ decoctiones sæpius injectas, febres eodem modo curari possint, ac si hoc remedium per os assumatur.

LII.

Tandem posset quisquam contra nostras superius de scarlatina factas indica-

tiones opponere dicendo, quod in morbis præcipue malignis exanthematibus prima & princeps indicatio debeat esse, ut materia maligna exanthematica pellatur a centro ad peripheriam corporis; de qua apud nos altum semper fuit silentium.

Ad hanc objectionem respondeo, esse quidem in morbis præcipue acutis vulgarem opinionem, & indicationes, ut miasmata maligna a centro pellantur ad peripheriam; in quem finem solent etiam præstitui remedia vulgo dicta expellentia alexipharmacæ, camphorata, aliaque salibus volatilibus prædicta, sed proh dolor! quanto cum ægrotantium detimento? quia sic motus febriles augmentur, fit exinde materiæ morbificæ, quam ad peripheriam pellere intendimus, raptus ad cerebrum, aut ad alia nobilio-ra visceræ depositio; unde dein sopor, delirium, phrenesis, convulsiones; quin-
imo

imo exanthemata ipsa adipiscuntur exinde naturam, indolemque perniciosem; verbo: morbus de indole sua benignus fit hac ratione malignus. Quod ipse Expertissimus Sydenham de scarlatina benignissima asserit: *Si plus negotii ægris faceamus, vel lectulis continenter incarcerando, vel cardiacis, aliisque remediis supervacaneis, nimis doctæ, & ut vulgo dicitur, secundum artem, supra modum ingestis; morbus statim intenditur, & æger non raro nulla alia de causa, quam nimia medici diligentia ad plures migrat.*

Ista perversa materiam exanthematicam a centro ad peripheriam pellendi methodus, videtur præcipue in eo fundari, quod credantur talia exanthemata, quasi critice hoc modo ad habitum corporis tendere; quia videntur quandoque ægri exinde quasi alleviari. Sic enim videmus, quod facta variolarum eruptione anxietates, inquietudines, convulsiones,

alia-

aliaque turbulenta symptomata sedentur, aut saltem mitigentur, idem observamus in pleuritide, & peripneumonia laborantibus; quales morbi, si debito tempore non discutiantur, humores ita corrum-punt, ut dein exanthemata illis super-veniant, antequam vero hæc superve-niant adest summa inquietudo, anxietas, quandoque etiam delirium, quæ omnia dein mitigantur, ægerque resipiscere vide-tur, dum exanthemata superveniunt; cum itaque observationibus constet, ægros in morbis acutis ex eruptione exanthematum alleviari, indicationes fieri debent, ut ta-lia a centro ad peripheriam pellantur.

Ad hoc respondeo, quod terminos artis debeamus in sensu proprio, & stri-cto assumere, adeoque, quid propriè sit crisis in morbis acutis, ex iisdem funda-mentis explanare; ex quo dein clare vi-debimus, quod tales objections multis im-ponere possint. Crisis enim in morbis acutis

stri-

strictè sumpta juxta omnes medicos est
ille status morbi , qui facta causæ mor-
bificæ per unam alteramve viam eva-
cuatione , morbum solvit , unde dein se-
quitur notabilis , & permanens ægri alle-
leviatio ; denique ut æger exinde in va-
do constitutus dici possit.

His tanquam evidentibus artis prin-
cipiis præsuppositis , omnes præfertim ve-
ro celebres practicos in testimonium pe-
to , an illi ægrum , qui expulsis ad pe-
ripheriam variolis melius habere videtur ,
extra periculum constituere possint ? Item
an ille v. g. pleuriticus , cui die morbi
nona aut undecima exanthemata super-
veniunt , in vado constituendus sit ? tri-
ftis enim , & fere quotidiana experientia
nos contrarium docet . Adeoque signum
evidentissimum est , quod talia exan-
themata nunquam ad crifim perfectam ,
raro ad imperfectam , melius vero ad
acrifiam reduci debeant .

LIII.

Hæc est, quam hucusque explanavimus generalis scarlatinæ malignæ medendi ratio, supereft, ut quædam in particulari de urgentioribus scarlatinæ symptomatibus brevissime attingamus, quæ nimirum salutari methodo illis obviam eundum fit.

Princeps & urgentissimum symtoma dixi in scarlatina maligna esse inflammationem faucium, quandoque etiam cerebri. Quare in similibus casibus præter generalia, superius jam recensita remedia debent ordinari gargarismata & injectiones ex emollientibus, & demulcentibus in Tractatu de variolis §. CVIII. jam recensitis; quibus statim a principio morbi addi poterunt illa, quæ virtute sua tonica, & demulcenti (absint tamen omnia acria, & calefacentia) majorem ad prædictas partes affluxum impediunt, qualia sunt Rad. tormentillæ, bistortæ, semi-

semina psylii cydoniorum , aliaque similia.

LIV.

Præterea , quia experientia nos docet , quod si inflammatio faucium anginosa ad extra vergat , minus affligat , minusque periculum portendat , debebimus fomentationes , cataplasma ex iisdem emollientibus in lacte coctis tepide circa collum applicare , ad hoc ut prædictus inflammatorius tumor ad externas potius partes avocetur . Hanc fuisse Divi Hippocratis regulam legere possumus in Aphoris : 37. sect. VI. & Aphor. 49. sect. VII. ubi sic ait : *ab angina detento , tumorem fieri in collo , bonum : foras enim morbus vertitur.*

Idem quoque videre est apud Corn. Celsum Lib. IV.

Item ex eodem fundamento judicat vetustissimus medicus Aretæus , quod in

an-



angina cucurbitula externe applicata in pe-
ctus , ut afferit , malum detrahatur.

LV.

Huc etiam spectat ille status inflam-
matorius , qui infantibus non tantum scar-
latina , sed etiam dentitione laborantibus
communis est , & in quo , inflammatis
gingivis , faucibusque , regressus sanguini-
nis per jugulares ex cerebro , ejusque si-
nibus impeditur , unde similes infantes
phrenesi , & convulsionibus prehendun-
tur. In quo conclamato fere casu , ni-
fi sanguisugae post aures applicentur , ex
aliis remediis vix aliquid sperandum re-
stat , hoc vero in tractatu de variolis
§. CXVII. fusius explanavi , quare nunc
hujus nihil ultro meminerim.

LVI.

In scarlatina præsertim maligna affi-
gunt sæpe inquietudines , & vigiliæ con-
tinuae , in quo casu paregoricis , anody-
nis ,

nis, emulsisque quies & somnus conciliandus erit.

Eadem remedia conveniunt etiam ad attemperandum illum ardorem §. VII. qui quandoque in habitu corporis valde molestus esse solet.

Sed omnibus diluentibus, emollientibus, demulcentibus, & emulsis praefesti debet hydrogala, de qua in tract. de variolis fusius tractavi.

Hoc enim remedio, non tantum humores fluidi, & meabiles redduntur, acrimonia, & ardor temperantur, sed vel maxime dolor faucium demulcetur, & corpus lenissime nutritur. Si vero serum lactis magis arrideret, poterit hydrogalæ substitui.



SECTIO VIII.

*Periodum, seu stadium scarlatinæ secundum
numirum illum tumorem leuco-phlegmaticum
una cum ejusdem curatione sifit.*

LVII.

Iste leucophlegmaticus tumor, qui scarlatinam ut §. VII. dixi, saepè sequitur, est majoris quandoque momenti, quam scarlatina ipsa. Etenim non tantum facies, manus, pedesque, sed & abdomen, scrotumque, immensum tument; urina secedit pauca, & plerumque cruenta, aut loturæ carnium similis, fœces alvinæ sunt albæ, & pultaceæ, tussis adeat sicca, quandoque sat violenta & respiratio laboriosa; corpus est languidum, ponderosum, vixque mobile. Vasa serosa, & lymphatica mirum in modum tument, & tenduntur; unde si appropriatis remediis quantocius opem

non feramus, hæc dilacerantur, & fit humorum sive ad cerebrum, sive ad cavitatem thoracis, aut abdominis, extravasatio; sicque malum immedicabile redditur.

Quare medentes duplex in hoc morbo officium tenet. Primum est, ut quantum ars valet, studeant, hunc funestum tumorem hydropicum præcavere. Alterum vero in eo consistit, ut præsentem tumorem tollant, & aliis inde pendentibus, molestisque medeantur symptomatibus.

LVIII.

Superius §. XXXVII. dixi, quod miasmata scarlatinæ soleant petere, & obfidere præcipue partes corporis molles, & glandulosas; ut membranam cellulofam, os internum, aliquando parotides, glandulas axillares, inguinales; quæ tument, & inflammantur. Ex quo dein fit, ut dissipata jam scarlatina, & discussio prædicto tumore inflammatorio

prædictæ partes laxæ, & debiles fiant ; unde dein exurgit, ut si tales ægri non rite transpirent, humores in illis colligantur partibus, sicque tumori illi leucophlegmatico viam sternalit ; qui dein facilius contingit, cum ex peracta jam decorticatione prædictæ partes eo facilius tendantur & in tumorem eleventur.

Adeoque præprimis solliciti esse debemus, ut tales ægri, quamvis superata jam scarlatina, in vado esse videantur, in debita transpiratione maneant ; quod fit liberum vitando aëra ; superficiem corporis linteis, pannisve laneis fiscis, & fumo aliquo aromatico imbutis, sæpius & leniter fricando ; decocta, aut infusa ex veronica, betonica, rad. graminis, petroselini, aliisve, calide hauriendo ; tandem partes solidas roborando ; unde fiet ut humores serosi non tantum per transpirationem exhalent, sed etiam per urinam copiosiorem evacuentur.

tur. Observavi, quod infusum baccharum juniperi huic intentioni præ omnibus aliis satisfaciat.

Scio quidem, & prævideo, quod mea consilia de vitando aëre libero, aut de ægris in lecto detinendis, multis inexpertis paroха videbuntur; interim sufficiat dicere, quod experientia edocet hæc scribam, hæc sentiam.

Præterea, quamvis superata scarlatina, appetitus sæpe jam vigeat, curandum tamen est, ut certas diætæ regulas observent ægri, ut nimirum talia ingерant, quæ facile egerere possint.

Ultimæ vero indicationi, quæ est, ut partes solidæ roborentur, satisfacimus optime per lenia martialia, & rhabarbarina v. g. per tinturam rhei aquosam cum tintura mortis pomat: Quæ si rite observentur, sperandum est, fore, ut status ille hydropicus præcaveatur.

LIX.

Verum quandoque contingit , ut omnibus adhibitis cautelis , nihilominus solito alias tempore tumor ille leucophlegmaticus superveniat , novumque vitæ periculum , quo jam liberi credebamur , afferat.

In simili igitur casu indicationes esse debent primo , ut humores ferosi plus aut minus viscosi incidentur , attenuentur.

Secundo , ut per convenientes vias evacuentur.

Tertio , ut partes solidæ roboren-
tur , ac tandem ut symptomata urgen-
tiora mitigentur.

Primæ & secundæ indicationi satisfit per omnia salia fixa , tam alcalina , quam neutra , aut etiam acida ; qualia sunt : sal absynthii , cardui benedicti , liquor terræ foliatæ tartari , tartarus vitriola-
tus , arcanum duplicatum , nitrum anti-
moniatum , sal polychrestum , tartarus fo-

lu-

lubilis, chrystalli tartari, & multa alia ejusdem generis, quæ, vel in forma pulveris, vel aliquo soluta liquore propinari possunt: his enim non tantum illud, quod viscidum est, inciditur, attenuatur, sed simul etiam partim per alvum, partim per urinam evacuatur.

Porro huc spectant alia aperitiva, ut radices graminis, petroselini, ononis, eryngii, fœniculi, asparagi, & alia ejusdem generis remedia, quæ cum supradictis salibus decocta, clarificata, & cum oxymelle scillitico, aut syrupo de duabus radicibus, edulcerata, calide sæpius ad unam alteramve unciam pro diversa ratione ætatis exhiberi possunt.

Propter specialem vero virtutem solventem, & diureticam huc referri debent: scilla, & aselli, seu millepedes.

Scilla exhiberi potest in substantia sed melius in infusione, aut in extracto, aut ejus oxymel scilliticum.

Millepedæ vero summam habent vim
si vivæ contundantur; earumque succus
expressus in usum vocetur. In quem fi-
nem sequens aut aliqua fere similis, mix-
tura mihi in similibus morbis familiaris
esse solet.

R. Aquæ still. petroselini unc. V.
spirit. salis coagulat. succi asellorum aa.
dr. III. Oxymell. scillit.

Syrupi de duabus rad. aa. unc. I.
Misce.

De hac mixtura debet æger sæpius
unum, alterumve cochlear assumere, &
unam, alteramve scutellam infusi bac-
carum juniperi, aut alicujus decoctionis
ex supradictis radicibus aperitivis factæ,
calide superbibere.

Ex usu hujus remedii non tantum
urina copiosior redditur, sed & levis di-
arrhæa excitatur, quæ si non succedat,
debet alvus clysmate emolliente, & sa-
lino sollicitari.

In

In eundem usum inserviunt, & con-
ducunt illa apochylismata, seu Rohob,
ut eboli, juniperi, sambuci, & de spi-
na cervina, quæ cum supradictis reme-
diis misceri, iisdemque addi possunt.

LX.

Tandem, dum omnia prædicta, aut
alia similia remedia imparia sunt perti-
nacissimo huic tollendo malo, quæren-
dum est aliud in mercurio, & auro quod
in his, aliisque similibus extremis mor-
bis inventum est, præsentaneam ferre
opem.

Tale remedium, quod in pilularum
aut alia forma præstitui potest, est se-
quens: v. g.

R. Rhei electi

Spirit. salis coagulati aa. dr. II.

mercurii dulcis

Auri fulminantis

Extract. Scillæ aa dr. 3

H 5

M. fiant

M. fiant pilul. c. Rob juniperi pondere unius alteriusve grani , quæ foliis auri aut argenti obvolvi & obduci posseunt.

Quod vero usum hujus remedii concernit , sequentia notanda sunt.

Primo , quod una alterave harum pilularum omni bihorio , aut trihorio pro diversa ætatis , aliarumque circumstantiarum , ratione exhiberi debeat , quam dosim tres quatuorve sedes quotidie sequi debent , quæ , si non succedant , tunc vel earum dosis debet augeri , vel prædictis pilulis Magisterium mecoacanæ , aut diagridium sulphuratum , aut pilulæ cochiæ addi possunt. Qua ratione dein salivatio impeditur. Quare

Secundo , ut eo certius salivatio impediatur debet æger post assumptas pilulas bibere calide aliquot uncias infusi baccarum juniperi aut decocti radicum graminis. Item

Ter-

Tertio, postquam bidui aut tridui his pilulis usus fuerit, debet ab earum usu una, alterave die abstinere.

Quarto si ab usu hujus remedii nimiae turbæ in corpore concitari videantur, poterunt tales sopiri remediis parergonicis.

Tandem si in his, aliisque similibus affectibus notabilis febris adsit, debemus ab usu hujus remedii abstinere; quia timendum est, ne exinde febris augeatur; in quo casu alia superius recensita remedia, ut succus asellorum cum sale polychresto, aut nitro antimonia-to in usum vocanda erunt.

Ab usu prædicti remedii intra unam alteramve diem ingens copia seri, tam per urinas quam per alvum evacuari solet; ex quo abdomen prius tensum, & tumidum, una cum aliis corporis partibus collabescet, & flaccescet, brevissime; quod ut eo facilius obtineamus,

&,

& , ut partes laxæ & flaccidæ roboren-
tur, debent sœpius pannis laneis fumo
aromatico imbutis perfricari.

Hoc remedium fuit a secretis Ma-
gnifico , mihique æterna memoria co-
lendo Domino Doctori Weber de Fürn-
berg , quo in diversis pertinacissimis &
rebellibus morbis chronicis summo cum
levamine utebatur. Adeoque non tan-
tum in cachexia , leucophlegmatia , &
hydrope sed & in contumacissima alvi &
urinæ obstructione , si inflammatio abe-
rat , illud in usum vocabatur.

Item in catarrho suffocativo , in
asthmate humoroso , ubi chermes mine-
rale , sulphur antimonii tartarifatum ,
scilla , gummi ammoniacum , aliaque ,
alias efficacissima remedia , inertia erant,
aurum fulminans cum uno alterove grano
mercurii dulcis , præsentaneum erat re-
medium.

Qua

Qua de re, ut alios præteream memini memorabilis casus, qui 18. circiter ante annos Illustrissimam Aulicam Domicellam L. B. de Kleng Augustissimæ piæ memoriæ Imperatricis Amaliae per quam familiarem concernebat.

Hæc corripiebatur asthmate humorofo, orthopnæa dicto; nam nec in lecto jacere, nec respirare, nec loqui potuerat; facie totoque corpore mirum in modum intumuerat; denique ex omnibus quæ aderant signis morti proxima videbatur. Clysmata stimulantia, & derivantia, vesicatoria, scilla, sulphur antimonii tartarisatum, sal volatile oleosum sylvii, aliaque valentissima remedia, inanes erant medentium conatus. Tandem ex confilio præfati Magnifici D. Weber de Fürnberg præstituebantur pulvisculi ex auri fulminantis gr. VIII. mercurii dulcis gr. III. sachari finiss. gr. XII. sæpius, vide-

videlicet, prout necessitas urgeret, omni
bihorio, aut trihorio propinandi.

Hora vix elapsa post assumptam pri-
mam dosim, exhibebatur secunda, quam
paulo post ingens copia excrementorum,
maximam partem, ut ab auro fulminante
fieri solet, nigrorum, notabili cum ægrotan-
tæ levamine sequebatur; ex cuius reme-
dii dein, quamvis parciore manu, con-
tinuato usu perfecte convaluit. Hæc
ego tanquam testis ocularis, & ægrotan-
ti diu noctuque assistens attuli & ex-
posui.

Hujusmodi, ut superius dixi, casus
multos habuimus, in quibus ex prudenti
hujus remedii usu secundos experti fuimus
effectus. Scio, aurum fulminans a qui-
busdam, sed theoreticis, pro draſtico
haberi; verum in ſimilibus casibus conſu-
lendi ſunt practici; ut Frid. Hoffman,
Stalius, Necterus, Ettmüllerus, alii-
que quam plurimi.

Aft

Ast manum de tabula; & illa, quæ nostri scopi sunt, prosequamur.

LXI.

Multi practicorum considerantes habitum corporis esse tumidum, credunt satius, & convenientius agi, si serum illud per breviores vias, nimirum per auctam transpirationem, & per promoto sudores evacuetur.

Ad hoc respondeo, quod talis tumor suam sedem, & radicem non tantum in cute, sed in visceribus, aliisque membranosis, & musculosis partibus habeat; qua ex ratione, & confirmante id experientia affirmo, quod ægri ex hac methodo non melius, sed pejus habeant; subtiliora discutiuntur, crassiora vero visceribus magis impacta hærent, eaque corrumpunt.

Quapropter in simili casu melius, & securius agimus, si prædicta aperiti-

va, attenuantia, diuretica, aliaque superius recensita, in usum vocemus.

Interim superius jam insinuavi, quod etiam illa, quæ seri stagnantis discussio-
nem, & deflationem per cutem augent,
conveniant, & curationem coadjuvent,
cujusmodi sunt frictiones. Item nec ab-
sonum erit, quandoque prædictis deco-
ctis aperitivis, & diureticis addere ali-
quid specier. decocti lignorum, sic enim
fiet, ut una eademque fidelia humores
stagnantes per diversa emunctoria eva-
cuemus.

LXII.

Quando prædictus tumor leuco-
phlegmaticus discuti, & subsidere inci-
pit, partes corporis, præsertim abdo-
men, quæ prius tumidæ, & tensæ erant
collabescunt, & relaxantur. Quapropter in hoc statu solliciti esse debemus,
ut alteri satisfaciamus indicationi, nimi-
rum ut roboremus, naturalemque parti-
bus

bus tonum conciliemus; quod obtainemus per supradictas frictiones, per remedia tonica, rhabarina, amaricantia & infusa vinosa cum marte.

LXIII.

Hucusque studium nostrum erat, ut indicationibus, quæ totius corporis tumorem respiciunt, generaliter satisfaceremus; superest, ut pariter medelam illorum symptomatum, quæ præsente tali tumore plurimum affligunt.

Duo sunt inter cætera, quæ hoc tempore magna medici cura, & attentione digna sunt. Primum, est sopor, seu comatosus affectus, qui denotat, serosam colluviem, sive intra, sive jam extra vas a in cerebro hærere & restagnare. In quo casu præter superius jam recensita remedia, vesicantia, præsertim nuchæ applicanda ordinari debent. Quinimo, si morbus, & coma exigit, capiti raso apponi debent.

Contingit tamen quandoque, ut cum tali comatoso affectu notabilis febris, & delirium conjugantur, quod denotat mēniges, cerebrumque inflammata, convulsiones, gangrēnamque metuendam esse.

In tali extremo casu præter jam dicta, sanguis in debita quantitate, sed præcipue sanguisugis post aures appositis, extrahendus est.

LXIV.

Aliud molestissimum malum, quod tali tempore afflit, est ingens scroti tumor hydrocele, seu hydrops scroti appellatus, quem saepe talem vidi, ut caput magnitudine, & amplitudine excederet; in simili casu fit, ut gravitate & pondere scroti vasa spermatica, nervique ex osse sacro oriundi tendantur, & doleant, præcipue dum æger situm rectum obtinet; quod incommodi genus sustentaculo, quo scroti pondus sustineatur, leniri potest.

Tumor iste sedem habet, non tantum in duplicatura membranæ musculosæ dertos dictæ, sed occupat etiam tunicas, testiculos ambientes; quin imo penis ipse, præsertim sub initium hujus affectus, una cum præputio intumescit, sicque exitum urinæ intercipit.

Quando vero scroti tumor augetur, tunc penis ipse retrotrahitur, & intra hunc tumorem absconditur; in quo casu uretra comprimitur, & exitus urinæ impeditur.

LXV.

Quapropter in simili molestissimo statu omnem operam impendere debemus, ut humores hic stagnantes revolvamus, discutiamus, & evacuemus. Ac tandem his peractis prædictas partes laxas & flaccidas roboremus.

Primo scopo inservire possunt herbæ: Ruta, calamith. mont. hyssopus, chærefol. Flor. sambuci, meliloti, verbasci, chamæm. aliaque similia, quæ, prout

plus aut minus resolvere volumus, in lacte aut in aqua aut vino coqui, caliduscule per modum fomenti scroto applicari, & saepius renovari debent.

Prædictorum virtus resolvens augeri potest, si in illis quidquam de sapone, aut de sale armoniaco, aliove simili, dissolvatur.

Verum quæcunque etiam valentissima remedia externe adhibeas, nihil proficies, nisi quoque per interna superius recensita radicem mali tollas; quod, si feceris, efficies, ut externa internis remedia, & vicissim opitulentur.

Quapropter, dum tumor scroti, aliarumque partium subsederit, debebimus laxitati, & atoniæ membranarum scroti mederi, quod fieri per fomenta ficca, sive ex supradictis herbis, & floribus, sive etiam ex aliis cephalicis, confecta, & scroto apposita.

Huc

Huc etiam referri debent fumi aromatichi, item aqua calcis, quæ cum sufficiente quantitate spiritus vini camphorati, aut spiritus Burrhi, aut nostræ aquæ anodynæ, misceri & duplicatis linteis calidiuscule applicari poterit.

Hæc sunt, quæ mihi ratio dictavit, experientia vero repetitis vicibus confirmavit, tam in primo, quam in secundo scarlatinæ stadio esse proficua remedia. Meliora necdum vidi, necdum legi; meliora vero in posterum ab aliis expecto.

S E C T I O IX. E T U L T.

*Adjunguntur particulares quædam
de Scarlatina observationes, & anne-*

cuntur de eisdem annotationes.

LXVI.

Ægrotus I.

Puer hujatis civis filius, nonum circiter agens annum; 1753. primis diebus

Aprilis videbatur aliquantum languere, neque solita aviditate cibos exposcere, & edere.

Interim tamen noctu sat placide dormiebat, interdiu circumambulabat, cum aliis sibi paribus ludebat quidem, sed non ea, ut solebat, facilitate & alacritate.

Die circiter tertia maculæ rubræ in facie apparebant; verum quia puerulus de speciali aliquo incommodo non conquerebatur, parentes flocci faciebant hæc exanthemata, credentes talia brevi dissipatum iri.

Die vero insequente, seu die circiter quarta morbi, eadem non tantum in facie, & collo frequentiora, sed & per reliquam corporis superficiem jam dispersa erant. Unde ego advocatus, postquam omnia rite explorarem, renunciavi, hanc esse scarlatinam benignam; nam pulsus videbatur esse naturali similis, æger post eruptionem exanthematum magis appetebat

pla-

placidius dormiebat, magisque hilaris videtur.

Die ab eruptione tertia, & a morbo, quinta, mane dum ægrum inviserem, vidi faciem reliquumque corpus intense rubore, palbebras, angulosque paululum tumere.

Die morbi sexta maculæ in facie palescabant, & tandem die septima fere omnes evanuerant; sicque morbus terminabatur sine omni desquamatione, & fine omni molesto symptomate; neque tardius aliquod malum confectionarium observaveram.

Æger toto morbi tempore non utebatur alio remedio, quam infuso ex scabiosa, cui addebatur aliqua portio lactis vaccini, & debita quantitas sacchari.

Præterea, cum tempesta frigida, & humida eo tempore urgeret, curavi, ut non tantum tempore exanthematum, sed etiam aliquot diebus tardius in lecto sedens, aut cubans, stragulis, quibus sa-

nus asuetus erat, coopertus, conservare-
tur æger.

Hujuscemodi casus quam plurimos
habui, a quorum recensione abstineo, cum
hicce servire possit pro omnibus aliis; in
quibus fere eadem ratio medendi sem-
per fuit.

LXVII.

ANNOTATIONES

ad Ægrotum I.

Hicce casus explanat, & demonstrat
communem, & ordinarium scarlatinæ be-
nignæ decursum, progressumque.

Interim ex hoc casu possunt duo, quæ
forsitan non omnibus arridebunt, corrolla-
ria deduci; & quidem.

Primum, quod non semper, ut alii
scribunt, scarlatina, sicut morbilli, cum
desquamatione, terminetur. Ex quo al-
terum fundamentum contra Clar. Morto-

nium

nium scarlatinam a morbillis distinguendi
desumi potest.

Secundum, quod quandoque, quamvis raro, eruptio exanthematum critica dici possit; hoc enim de scarlatina benigna, & quidem illa, intelligendum esse judico, quæ a motibus lentis, naturæ conformibus, non violentis, dependet; quia hoc modo illud, quod heterogeneum in corpore latet, facilius, aptiusque subigitur, separatur, & ad convenientia emunctoria deducitur; quod a motibus violentis, quacunque ex causa in corpore nostro excitatis, sperandum non est; quinimo, uti jam superius §. LII. & ex observatione Sydenham dixi, morbus de natura sua benignus hac ratione malignus evadit.

LXVIII.

Ægrotus II.

Infans quinque fere annos natus belle edens, & dormiens mane dum evigilaret, tota vix non facie rubebat; parentes exinde attoniti me advocarunt, & quid isthæc efflorescentia significaret, ex me postularant.

Ego inveni pulsum bonum, infantem hilarem, uti & alia, statum sanum referentia. Ad tactum tamen cutis præsertim in facie, calebat, & videbatur ardor quidam externus ægro molestus esse.

Unde sine hæfitatione declaravi, hæc exanthemata referenda esse ad scarlatinam benignam.

Eventus deinceps respondit promissis; nam morbi hujus sequens erat decursus.

Die sequente, seu secunda scarlatinæ rubebat intense non tantum facies, collum, sed & aliæ corporis partes; facies

sub-

subtumida apparebat; æger de quodam sed præcipue oculorum ardore conquerebatur, neque lucem sine incommodo ferre poterat. Cætera somnus, & appetitus aderant, ut die præcedente.

Die tertia videbantur omnia esse vix non in eodem statu, ut die præcedente; nisi quod ad finem vergente eadem die exanthemata in facie, quæ prius intense rubebant, pallidiora apparerent.

Die quarta pallescebant quoque alia, reliquum corpus occupantia exanthemata.

Die quinta in facie vix quidquam scarlatinæ apparebat.

Die sexta, & septima totum corpus erat ab exanthematibus liberum, quibus successit desquamatio illi, quæ in morbillis esse solet, similis. Hoc tempore videbatur æger pariter quoad omnes functiones, tam animales, quam vitales, & naturales bene valere, in quo statu etiam in posterum permanferat.

Toto

Toto morbi tempore non utebatur
alio remedio quam sequente mixtura:

R. Aquæ sambuci unc. V.

Rob sambuci.

Syrupi de althæa aa unc. I.

misc. de qua omni hora , aut omni biho-
rio, unum alterumve cochlear fumpferat;
& infusum ex scabiosa , superbiberat.

Præterea æger in debita transpiratio-
ne, & moderato calore conservabatur ,
& detinebatur.

LIX.

ANNOTATIONES

ad Ægrotum II.

Hoc singulare hicce casus docet, quod
una cum morbo , & fine præcedente ali-
qua sensibili exacerbatione exanthemata
scarlatina in conspectum venerint; quod
aliquoties , quamvis raro , in scarlatina
vidi.

Ve-

Verum nemo mirabitur, qui experientia noverit, quod idem etiam in variolis evenire quandoque soleat. Plura vide Sect. IV. §. XXXVI. ubi leges illam particularem observationem, quæ plures cætera sanissimi quasi momentanee obruebantur exanthematibus scarlatinis, aut saltem scarlatinam referentibus.

Item ex hoc, & præcedente casu eruere possumus, quod exanthemata scarlatina quædam citius, alia tardius dissipari, & evanescere soleant; nam quædam citissime, nimirum tertia ab eruptione die, ut plurimum vero quarta, quinta, aut sexta, raro tardius, dissipantur.

LXX.

Ægrotus III.

Alius puer octo circiter annos natus 1756. primis diebus Junii corripiebatur pariter scarlatina benigna, quæ quinta cir-

circiter ab eruptione die cum subsecente aliquali desquamatione dissipabatur.

Cum eo tempore tempesta calida vi-
geret, sic æger iste, tam tempore efflo-
rescentiae quam vel maxime post illam in-
terdiu a lecto abstinebat, & liberiori auræ
se exponebat. Quo non obstante nihilo-
minus bene valere videbatur.

Verum elapsis vix duabus a dissipata
scarlatina hebdomadis inceperat toto
corpore tumere; nimirum primo in facie,
dein in manibus, & pedibus; item abdo-
men, & scrotum in sat magnam molem
excreverant. Urina secesserat pauca, &
crassa cum sedimento albo; alvus erat ad-
stricta, appetitus, qui prius semper vi-
gebat, incepérat deficere.

Quamprimum ad hunc affectum leu-
cophlegmaticum advocatus eram prima
cura mihi fuit, ut superius §. LIX. re-
censitis remediis incidentibus, attenuan-
tibus, aliisque aperitivis, diuretis, &
per

epicrasim evacuantibus uteretur æger: unde ordinaveram primo mixturam ex aquæ stillat. Petroselini unc. IV. spirit. salis coagulat. drag. III. syrup. de cihor. c. rheo unc. I. de qua omni bihorio, duo aut tria cochlearia sumeret æger, & quam nychthemeri spatio consumeret.

Hoc remedio utebatur sex diebus, sed sine notabili commodo; nam tumore prælertim in facie videbatur potius augeri, quam minui, neque urina majore, quam alias quantitate evacuabatur, neque alvus nisi ex ymate sollicitaretur, respondebat.

Quare mirabar; quod hoc remedium quotidie tali dosi sumptum, in hoc casu, illo, quem tamen in aliis secundum expertus sum, effectu, frustraretur. Intervim non abs ratione judicabam, quod, quamvis hoc remedio materiam peccantem non evacuaverim, tamen digesserim, & præpararim, ut dein eo facilius aliis valentioribus cedere possit remediis.

Qua-

Quapropter ordinabam infusionem rad. scillæ cum rad. asparagi, petroselini, & tartaro vitriolato, factam, & cum syrupo mannato aut flor. perficorum edulcoratam, de qua sæpius de die aliquot cochlearia sumpserat ægrotus.

Ex usu hujus remedii prima die factum est, ut ternis vicibus magnam materiæ viscosæ quantitatem evomuerit; & hunc effectum sequeretur alter, nimirum, aliquot de die sedes, copiosiorque urina.

In usu hujus remedii persistebat æger, ita tamen moderando, ut bis terve nycthemeri spatio alyus aperiretur; qua ratione magna seri copia non tantum per urinas, sed etiam per alvum evacuabatur.

Hoc ipso tempore curabam scrotum valde tumens sustentaculo fulciri, & fermentationes calidas ex superius §. LXV. descriptis carminativis, in vino coctis eidem applicari, sæpiusque renovari.

Qui-

Quibus dein effectum est, ut non tantum facies, artus, sed etiam abdomen, & scrotum, successive detumescerent, & spatio quindecim circiter dierum statum naturalem adipiscerentur, ægerque appetitum, somnum, vires, denique sanitatem perfectam consequeretur.

Tandem ad tonum naturalem tam generi vasculoſo, quam nervoſo, & membranoſo conciliandum utebatur æger per decem circiter dies tinctura rhabarb. Rolfincii.

LXXI.

Ægrotus IV.

Eadem finistra fors attigerat 1760. filiolum Illuſtriss. L. Baronis de Wenser, sex circiter annos natum; hic enim in Augusto scarlatina benignissima laborabat; hæc sine omni desquamatione terminabatur.

Cum integerrima sanitate videretur gaudere filius, & tempeſtas ipsa calida quam optime faveret, ſic non tantum domi libero ſe exponebat aëri, ſed etiam

Tom. III.

K

do-

domo exibat , atque hujus urbis pomœtia auræ liberioris captandæ causa adibat.

Die circiter decima nona a morbo vi-debatur lassus , languidus & pallidus , dein sequebatur tumor in facie , manibus , pedibus , abdomine , scroto ac in universo corpore ; qui de die in diem magis augebatur , ut huic similem haud quaquam viderim .

Quare in simili inexpectato & periculoſo ſtatū ordinabam primo prædicta falia aperi-tiva , diuretica , & per epicrasim evacuantia .

Alvus follicitabatur ſæpius clyſmate ex decoctione ſpecier . Dec. aperitivi cum melle mercuriali , & nitro , aut ſale gem-mæ . Scroto applicabantur fomenta pri-mo ſicca , ut ſacculi ex furfuribus torre-factis , aut ex lignorum cineribus ; dein vero ex ſuperius recenſitis ſpeciebus car-minativis in vino decoctis .

Verum ex omnibus his tam interne , quam externe adhibitis nec alvus move-batur , nec urina majore quantitate pro-di-

dibat, nec tumor minuebatur, quinimo potius de die in diem augebatur.

Qua ex ratione valentiora remedia ordinaveram; inter quæ primum erat succus asellorum, quo cum prædictis sa-libus aperitivis, & diureticis per octi-duum utebatur.

Cum vero neque ex hujus medica-menti usu æger proficeret, ad infusum scillæ confugi.

Ast ex omnium horum usu tumor totius corporis hydropicus, anxietates, respiratio difficilis, augebantur potius quam minuebantur, ut actum de salute ægri videretur.

Quo in extremo casu sequens per-scripsi remedium:

R. Auri fulminantis scrup. I.

Magister mecoacon. gran. XXV.

Spirit. salis coagulati drag. I. miſce f. pilul. c. mucilag. tragac. pond. gr. I. quæ foliis auri, aut argenti obvol-

vi possunt. De his pilulis sumpfit æger omni bihorio unam alteramve: vix sumperat talium novem, videbatur jam fæpius ad emitte dam urinam, & ad depo nendum alvum stimulari.

Ex quo factum est, ut die sequente tres habuerit sedes; & urinæ libras tres circiter emiserit. Die vero tertia quin quies aperiebatur alvus, & urinæ libræ ad minimum quatuor secesserant.

Qua ex ratione jussi, nycthemeri spatio quatuor tantum pilulas assumi. Ex quorum continuato usu magna copia tam per alvum, quam per urinas quotidie evacuabatur; sicque tumor faciei, abdominis, scroti, aliarumque corporis partium quotidie magis minuebatur, pristinusque corporis vigor successive restituebatur; & æger intra viginti aliquot dies integra sanitate fruebatur.

Interea, dum his pilulis utebatur æger, predicta fomenta calida ex spe cie-

ciebus carminativis in vino applicabantur scroto.

LXXII.

Postquam vero scrotum in totum detumuisset, applicabantur quandoque linnea fumo aliquo aromatico, & carminativo imbuta, quandoque vero eadem intingebantur in aqua calcis, & aliqua portione spiritus vini camphorati, & calidiuscule scroto applicabantur.

Ex eadem ratione, nimirum ad genus nervosum, & vasculosum roborandum, utebatur dein æger tinctura rhei aquosa cum tertia parte tincturæ martis cum succo pomorum, item infuso ex bacis juniperi.

LXXIII.

Hoc singulare tamen in hoc casu observabatur, quod dum exanthemata scarlatina aderant, aliquoties saliva sanguinea, & loturæ carnium similis extiterit.

Item, quod, dum tumor leucophlegmaticus, in suo vigore constitutus erat, urinæ crassæ, & quandoque sanguineæ fuerint; dein vero, dum tumor jam notabiliter subsederat, urinæ fuerint clarae, aquæ, & aliquando etiam sanguineæ.

LXXIV.

Ægrotus V.

Alius octennis puer post superatam scarlatinam benignam inciderat in eundem tumorem leucophlegmaticum; Medicus ejusdem ordinabat diversa remedia aperitiva, incidentia, diuretica, adeoque salina, scillitica, quinimo rhabarbarina, roob ebuli, sambuci, de spina cervina & similia, sed omnia sine aliquo effectu; nam nec alvus exinde movebatur, nec urina in majore quantitate evacuabatur; unde tumor & anxieties potius exinde augebantur, quam mi-

nue-

nuebantur. Quapropter ordinabat pulvisculos ex jalappa, trochiscis, alhondali, aut diagridio sulphurato, cum rheo; item emulsa cum resina jalappæ. Ex usu quorum vehementer quidem purgabatur æger; sed dolorem in latere dextro circa regionem renis persentiebat, ut pressionem manus ferre non potuerit. Aderat præterea nifus ad vomitum, ingens sitis, febris magna, vigiliæ, summa virium prostratio; his dein accesserat delirium, oculorum convulsiones, & tandem mors.

LXXV.

ANNOTATIONES ad Ægrotos III. IV. & V.

Hosce tres ægrotos, eorumque curationes atque alia huc spectantia una eademque fidelia examinanda fisto. Unde sequentia corollaria deduci possunt: videlicet.

Primo , quod tam scarlatina benigna quam maligna opus habeat debito & moderato lecti tempore , similique transpiratione : quibus neglectis ut plurimum status ille hydropicus supervenire solet.

Ego ipse mirabar , & adhuc miror , quod ista regula non tantum tempore hiberno sed & aestivo tam necessaria esse videatur .

Sed suadent , & exigunt id repetitæ observationes ; ratiocinia vero hic filere debent . Sic id ipsum in aliis casibus , ut erysipelate , vulneribus , ferme quotidie observamus ; in quibus nisi partes læsæ debite tegantur , quantocius in pejus ruere solent tam hiemali , quam aestivo tempore .

LXXVI.

Secundo , quod in alvi , & urinæ obstructionibus remedii dosis , quamvis quadruplicata assumatur , non exerat effectum , quem simplex ejusdem remedii

dii dosis in statu sano producere solebat. Unde necessitas eluceſcit in ſimili- bus caſibus non tantum talium remediorum dosim augendi, ſed etiam ad medicamina valentiora, & magis activa confugiendi. Hoc ipsum conſirmat ægrotus tertius, ſed præſertim quartus.

LXXVII.

Tertio, quod in hoc tumore leuco- phlegmatico purgantia draſtica ut pluri- mum ſinistrum ſoleant fortiri effectum, quod inter alios, quos ego vidi, ægrotus quintus conſirmat.

Aſt poſſet aliquis hic oggerere, quod aurum fulminans, resina, aut ma- gifterium mecoacanæ videantur pariter ad re- media draſtica referenda eſſe; quo ta- men non obſtante, talia ego appro- bavi.

Reſpondeo, ingentem eſſe diſſeren- tiam inter remedia, quæ ab aloe, sca- monio, jalappa, aliisque, resina acri,

& tenaci prædictis, petuntur; & inter alia remedia, quæ ex auro fulminante, mercurio dulci, aut etiam magisterio mecoacanæ, defumuntur: quia illa constant particulis acribus, resina tenacissima obvolutis; unde fit, ut non tantum illa similium remediorum portio, quæ in primis viis hæret, verum etiam illa, quæ ad sanguinem resorbetur, tenaciter adhæreat corpori; sicque constanter, & pertinaciter irritet tam genus vasculosum, quam nervosum & membranosum. Unde dein febris accenditur, inflammationi, putredini, & gangrænæ via sternitur.

Verum omnia hæc funesta symptoma a nostris remediis tam facile metuenda non sunt; quia aurum fulminans nec inhæret nec adhæret alicui corporis parti; neque ad massam humorum resorbetur; sed speciali suo pondere successive pertransiendo intestinorum tractum,

suc-

successive pariter modo unam, modo alteram illorum irritat partem; sibique una cum aliis in eodem canali, aut in vicinia hærentibus, stagnantibusque viam parat, & aperit.

Item aliter est de resina v. g. jalappæ & de resina mecoacanæ sentiendum, nam resina jalappæ quacunque ratione subigatur, aut corrigatur, sua tenacitate, ita adhæret fibris, easque sua acrimonia irritat; ut fere semper aut vomitus, aut tormina, tenesmus, aut febris, fitisque ejus usum sequatur; quapropter etiam ab ejus præscriptione quantum possum abhorreo, & abstineo.

Aliud vero de magisterio, seu resina mecoacanæ fere quotidie edoceor; nam hæc nulla opus habet correctione, aut cum oleis subactione; a naturalibus motibus viribusque vitæ facile subigitur, & solvitur. Neque unquam speciale aliquod incommodum, nimirum, dolorem, tormina, tenesmum aut febrem
in-

inflammatoriam inde exortam vidi: Interim præsente febre, ab ejus usu mihi temporo. Doleo tantum, quod hoc magni pretii remedium divitibus solummodo præstitui possit.

LXXVIII.

Sinistra fors, quam noster ægrotus quintus a supradictis draisticis expertus erat, consistebat in febre illa inflammatoria, quæ principaliter renem dextrum, cerebrumque occupasse, & dein in gangrenam degenerasse videtur.

Tandem quarto illud mirabile symptoma considerandum restat, quod aliquando tempore observantiæ, aliquando tempore tumoris leucophlegmatici observatur. Contingit nimirum, ut sub efflorescentia scarlatinæ saliva sanguinea, aut loturæ carnium similis appareat.

Item contingit quandoque, ut tempore tumoris leucophlegmatici urina sanguinei

guinea, aut loturæ carnium similis secedat; uti in nostro casu evenisse afferui.

Hoc symptoma ratione prognoseos alicui, minus in his rebus experto, imponere posset; verum coram testari possum hoc esse plane indifferens, adeoque nec mali, nec boni quidquam portendere.

Judico enim hoc symptoma eodem modo tam quoad causas, quam quoad prognosim, sicut mucum narium sanguinolentum in coryza, considerandum esse. Videntur enim vasa in similibus casibus ita relaxata esse, ut sanguis facile vasa aliena intrare, eorumque oscula aperire, & exitum sibi quærere valeat.

Hoc tamen in nostro casu mihi mirum videbatur, quod urina ista sanguinea ab adhibitis quibuscunque diureticis, non exacerbetur, & exasperetur, quin
imo

imo procedentibus copiosis urinis successive minuatur, & tandem abigatur.

LXXIX.

Ægrotus VI.

Infans bimulus laborabat scarlatina benigna, qui usque ad diem ab eruptione sextam videbatur quoad omnes functiones bene valere. Eadem die ad vespertas fere inopinato convellebatur; istæ convulsiones nunc magis nunc minus urgabant, quibus tussicula acceſſerat.

Die sequente continuabat idem calamitosus status; præterea facies rubebat, & aliquantum tumebat, gingivæ præcipue ubi dentes canini erumpere solent, rubebant, & dolebant, labia oris erant sicca, aderat febris, & fitis. Cum exanthemata scarlatina debito tempore evanescerent, neque de illorum retro-pulsu suspicio esse posset; sic tota hujus effe-

effectus tragœdia a dentitione merito repetenda erat.

Quapropter clysmata emollientia omni trihorio, aut quadrihorio injiciebantur.

Infanti nunc serum lactis, nunc emulsa ex decocto v. g. hordei cum oxymelle simplici, nitro aut stibio nitrato, propinabantur.

Item, tam ratione tuffeos, quam ratione convulsionum, linctus ex oleo amygdalarum dulcium, & diacodio ordinabatur. Omnia hæc in remissione convulsionum, nullo modo, præsentibus convulsionibus, propinari, & deglutiri poterant.

Præterea gingivæ ungebantur sæpius cremore lactis, aut hordei.

Verum omnia hæc remedia non respondebant votis nostris; status enim morbi triduo integro fere idem erat.

Ab adstantibus, & putantibus hæc a retropulsis exanthematibus dependere, proponebantur vesicantia applicanda, ad materiam exanthematicam centro ad peripheriam evocandam.

Quibus ut secundum quid satisface-re viderer, fermentum panis cum aceto rutaceo plantis pedum applicandum sub-stitueram.

Cum vero prædicta symptomata a dentitione, adeoque ab inflammatione & sanguinis in cerebro, ejusque sinubus stagnatione dependere judicasse, curavi applicari sanguifugas post aures: qua ratione quatuor, aut quinque sanguinis unciae extractæ fuere.

Aliquot post hirudines applicatas horis sat quietus pacatus, somnoque obrutus videbatur æger, neque dein evigilantem convulsiones prehendebant amplius, sicque lento gressu sanitati restituebatur.

LXXX.

ANNOTATIONES

ad Aegrotum VI.

Similes casus s^æpe contingere solent, ut nimirum infantes, tam in scarlatina, quam post illam dentitione afficiantur, quae nunc plus, nunc minus negotii ægrotantibus faceffere solet.

Unde fit, ut ex adhibitis superius recensitis, aliisque similibus remediis quandoque sine ulteriore labore resipiscant.

Quod si non fiat, & , si convulsiones una cum febre inflammatoria urgeant, timendum est, ne morbus in gangrænam, & mortem terminetur.

Quapropter in similibus circumstan-
tiis, vel debet quantocius fieri gingiva-
rum debita incisio, vel conveniens san-
guinis missio.

Tnm. III

L

A pri-

A prima plerique nostratum ita abhorrent, ut nullis ratiociniis flecti possint.
Unde necessaria erit sanguinis missio.

Quinimo contingit aliquando, ut admissa, & facta gingivarum incisione nihilominus praedicta symptomata perseverent: in tali casu nisi sanguis mittatur, de ægro actum erit.

Præterea illud, quod vesicantium applicationem in his, & similibus casibus concernit, perquam bene notandum esse duco, quod nimirum, si talia in urgen- te inflammatione, & non præmissa suffi- ciente detractione sanguinis applicentur, semper inflammationem, morbumque au- geant; gangrænam, mortemque accele- rent. Idem dicendum, & sentiendum est de liquore bezoardico Buffi, de spi- ritu cornucervi, aliisque similibus præ- sente febre inflammatoria adhibitis.

Hæc sunt, quæ medicis attentione di- gna, in scarlatina benigna obvenire so-

lent.

lent. Altioris vero sunt indaginis, tam illa, quæ cum scarlatina maligna conjunguntur, quam quæ illam subsequuntur.

LXXXI.

Ægrotus VII.

Nobilis Adolescens hujatis D. Saltuarii, seu Cæsarei sylvarum Præfecti de Mayr filius duodecim circiter annos natus, temperamenti sanguinei, 1751. in autumno, grassante tunc Viennæ scarlatina, inceperat per intervalla horrere, & de lassitudine totius corporis, & de dolore capitis, conqueri; somnus erat interruptus, appetitus dejectus; quinimo die sequente aliquoties vomebat, biliofa, aliquamque in deglutitione difficultatem persentiebat; quæ tunc bili acri, vomitu ejectæ attribuebatur.

Verum die tertia, dum ægrum inviseram, vidi jam exanthemata scarlatina, in facie; deglutitio erat magis la-

boriosa; fauces rubebant & tumebant; pulsus erat celer, densus & fortis; fitis magna; & æger soporosus videbatur, quin imo noctu subdelirabat & inquietus erat; continuabat præterea nausea, & nifus ad vomitum cum amaritie oris.

Die quarta tota jam facies colore rubro, ferme uniformi obsita, & aliquantum tumens apparebat.

Eadem die videbantur jam maculæ rubræ in collo, pectore, dorso, sat numerosæ; in manibus vero & pedibus paucæ. Alia vero symptomata erant eadem die quæ præcedente.

Die quinta facies, collum, dorsum, & pectus adhuc intense rubebant: in manibus & pedibus maculæ rubræ pariter numero augebantur.

Die sexta observari poterant in facie plures maculæ rubræ ab invicem distinctæ; quæ tamen die præcedente vide-

debantur unam valde latam maculam constitueret.

Die septima in facie pallescebant, in manibus vero & pedibus adhuc rubeabant.

Ast hoc notatu dignum erat, quod jam eadem die, sed præcipue die sequente seu octava præsertim in manibus, & pedibus observatae fuerint quædam vesiculæ albæ, millaria alba, sub sui initium exactæ referentes; quæ tamen secunda & tertia die latiores factæ flaccescebant, & subsequæ desquamationi, seu decorticationi fundamenta præbebant.

Nam die duodecima, decima tertia morbi, & sequentibus lamellæ integræ, & quasi coriaceæ secedebant, quas æger sine labore, & dolore detrahebat.

A die morbi nona usque ad vigesimam secundam, aut tertiam videbatur æger melius se habere; nam libere deglutiebat, febris, & sitis remittebat,

& placidius dormiebat. Interim præ debilitate in lecto se fere continuo continebat.

Quo tamen non obstante vigesima secunda & 23. morbi die observabatur tumere primo in facie, dein in reliquo corpore, ita, ut 28. morbi die tumor iste leucophlegmaticus summum attigerit gradum, & de salute ægri jam actum videretur.

Hæc est succincta hujus ægroti historia; quæ duos alios nostri ægroti fratres, duasque forores comprehendere debet: nam aliquot diebus vix elapsis eodem scarlatinæ malignæ contagio afficiebantur, & eadem pariter scarlatinæ malignæ funesta symptomata, quamvis non omnes in eadem intensione experiebantur. Etenim febris aderat magna, deglutitio difficilis, tandem sequebatur, decorticatio, & tumor leucophlegmaticus in omnibus. Quæ quamvis tum ægris,

ægris , cum mihi medenti, multum negotii faceſſerent, nihilominus tamen omnes, favente Numine integræ sanitati restituebantur. Sed videamus qua ratione id factum fuerit.

LXXXII.

Cum die morbi tertia ad hunc ægrotum advocatoruſ fuisse, omniaque symptoma rite examinatam, vidi, adesse magnam febrem inflammatoriam.

Item cum bilis vomitum, amaritiemque oris consideratam, judicavi, a spacio vesicæ felleæ bilem per ductum Choliodochum ad intestinum duodenum, tandemque ad ventriculum exprimi & deferri. Adeoque curavi

Primo, ut juxta datas §. XLVI. regulas inflammationi prospicerem, &

Secundo, ut illud acre exanthematicum, & biliosum temperarem, & abluerem e corpore: secus enim si bilis sangu-

ni miticeatur, febrem periculumque augere solet.

Quapropter curavi quantocius uncias circiter octo sanguinis per venæsectionem extrahi. Cum vero intra aliquot minuta sanguis extractus crustam lardaceam indueret, jussi repeti, & ex eadem jam incisa vena post bihorium totidem uncias sanguinis mitti. Parentes videbantur quidem venæsectioni obstare; sed dum illis deplorabilem deglutionis statum, imminensque suffocationis periculum, objicerem, facilius meis adnuebant votis.

Eodem tempore ordinabam garganismata ex decocto hordei, nitro & melle rosarum.

Item clysmata ex decocto hordei, & specierum emollientium; aut etiam ex lacte; quæ semel aut bis de die injiciebantur.

Pro acrimonia exanthematica, & biliosa temperanda, & abluenda ordinabam diversa remedia: ut decoctionem ex rad.

scor-

scorzonerae, acetosae, tamarindis, & nitro, syrupo aut ribium, aut acetosae aut oxymelle simplici edulcorandam.

Item emulsa ex seminibus frigidis, aliquando cum, aliquando sine femine papaveris albi.

Eisdem indicationibus satisfaciebat pariter serum lactis; aut etiam hydrogala. Quae adsiduo, & in debita quantitate, prout unum alterumve ex his magis arri-debat, propinabantur.

Tandem ad inquietudines sedandas, somnumque conciliandum inserviebant peregistica.

His effectum erat, ut omnia periculosa symptomata primo mitigarentur, dein vero plane abigerentur; sicque æger die circiter decima quarta in vado esse judicaretur.

LXXXIII.

Verum octo diebus dein vix exactis tumor ille leucophlegmaticus novas nobis injecit curas, novumque attulit periculum.

Hic enim lente, & insensibiliter se insinuabat, & non, nisi dum in notabilē molem increvisset, observabatur.

Quapropter sine mora prædicta apertiva, salina, diuretica, & per epicramsim evacuantia in usum vocabantur.

Præterea tumenti scroto applicantur cataplasmata ex speciebus carminativis cum vino in pultem coctis.

Cum enim ex his tam per alvum, quam per urinam multum materiæ serosæ, & mucosæ quotidie evacuaretur, & tumor exinde successive decresceret, illis institi, neque alia valentiora molitus fui. Quorum ope dein intra 15. aut 16. dies ægrotus pristinam recuperavit sanitatem; sed non vires, quibus resarciendis longiore tempore opus erat.

LXXXIV.

LXXXIV.

Eadem fere methodo usus fui apud alios nostri ægroti fratres, & sorores; qui eodem morbo, & iisdem symptomatibus affecti erant. Differentia tamen quoad curationem interfuit aliqua: nam duobus natu minoribus sanguis missus non erat, partim propter teneram nimis ætatem, partim quod symptomata non ut in aliis exasperata viderentur.

Item in uno prædictorum ægrotorum nonum annum agente tumor leucophlegmaticus ita pertinaciter affligebat, ut prædictis salinis aperitivis non cederet, sed potius augeretur. Unde necessarium fuit ad scillam, & millepedas confugere, quibus tandem domatus fuit.

LXXXV.

LXXXV.

ANNOTATIONES

ad Ægrotum VII.

Hicce casus præprimis ostendit necessitatem venæsectionis in scarlatina maligna instituendæ , præsertim dum magna inflammatio fauces occupat. Quo in casu si omittatur , vel gangræna vel suffocatio presso pede sequi solet.

Hoc assertum possum pluribus aliis observationibus corroborare , sed sufficiat illa , quæ eodem tempore nobilissimam D. D. Comitum de Kauniz Prosapiam attigerat. Duo nimirum Illustrissimi ejusdem familiæ juvenes Comites , in Academia Sabaudica tunc commorantes , corripiebantur scarlatina maligna. In utroque exanthemata fere una cum morbo in conspectum venerant ; in utroque pariter ingens inflammatio fauces occupabat.

In

In uno seu secundo genito, propter metum retro pulsus nulla venæsectio admittebatur. Unde etiam factum fuit, ut intra triduum suffocaretur æger.

Alteri vero, nimirum primogenito debita sanguinis missio instituta erat; qui quamvis dein totius fere corporis desquamationem, & decorticationem expertus, tumoremque hydropicum in longum tempus perpeccus fuerit; nihilominus tamen (favente Numine) omnem hujus truculenti morbi sævitiam elufit, superavit, evicit; cui Deus secundam sine fine tribuat vitam, ut Magni Parentis vestigia terens, fibi, Reipublicæque felix vivat.

Præterea ex hoc casu edocemur quasdam cautelas, quæ vomitum bilis, amaritiemque oris (scarlatinæ malignæ solita symptomata) respiciunt, & quæ medentibus inexpertis, ut ego sæpe vidi, imponere possunt. Vidi nimirum in similibus casibus emetica præscribi; a quibus non

non tantum febris , anxietates , deliria
perpetuusque nifus ad vomitum , augetur
sed & fauces , præcipue larynx , pha-
rynxque ita inflammantur , ut ægro suf-
focatione necessario pereundum sit.

Quapropter meliore & faniore ince-
dimus via , si illud acre irritans tempere-
mus , diluamus , & abluamus per illa ,
de quibus superius in cura dictum est ; quæ
tam per os assumi , quam per enemata in-
jici possunt . Neque ex enematibus dilu-
entibus , & emollientibus , dummodo
omne acre irritans , stimulansque absit ,
quidquam de retropulsu metuendum est ,
ut quidam opinantur .

Tandem quod tumorem leucophleg-
maticum in nostro ægro attinet , exin-
de cognoscere possumus , quod quando-
que levioribus aperitivis abigatur , quan-
doque vero nec valentissimis cedat remediis .

LXXXVI.

Ægrotus VIII.

Juvenis septemdecim circiter annos natus cubicularii apud serenissimam Sabauidæ Ducem filius laborabat scarlatina maligna cum inflammatione faucium, aliisque solitis symptomatibus; quibus stillicidium narium se adjungebat.

Omnia remedia, quæ legitimis indicationibus satisfacere possent, in usum vocata sunt, excepta sola sanguinis missione, quæ, quamvis ordinata fuisset, tamen instituta non fuit.

Morbus interea cum inflammatione faucium augebatur; his accesserant deliria, convulsiones; & tandem quarta ab eruptione die mors.

Vix denato ægro, & toto adhuc calente cadavere, ingens copia sanguinis ex ore, & præcipue e naribus, effluxit.

LXXXVII.

LXXXVII.

ANNOTATIONES
ad Ægrotum VIII.

Hæc succincta morbi, mortisque historia nos docet, quod ex inflammatione faucium, aliarumque adjacentium partium venæ jugulares, & vertebrales ita premantur, ut se in subclaviam exonerare non possint; ex quo dein fit stasis inflammatoria in cerebro, ejusque sinibus. Hoc ipsum evidentissime observamus in angina, pleuritide, & peripneumonia.

His præsuppositis quisque cognoscet vanos, inanesque esse omnes alias medentium conatus, nisi in similibus casibus sufficiens fiat detractio sanguinis. In quo casu, sicut superius §. LXXIX. ostendi sanguisugas in infantibus post aures appositæ optimum præstare effectum, ex eadem

dem pariter ratione, & quidem majore, cum fundamento judico, sectionem venæ jugularis in ætate provectionibus omnibus aliis anteponendam esse. Quia hæc immediate ex cerebri sinubus, aliisque ejusdem vasis, in quibus stasis inflammatoria hæret, derivat.

Ex quo patet ratio illitus observatio-
nis medicis practicis notæ, qua videmus,
largam narium hæmorrhagiam in morbis
acutis proficuum esse, stillicidium vero
semper mali ominis; quia denotat, sta-
sim inflammatoriam in cerebro, quam de-
se solvere potis non est, in gangrænam
degeneraturam.

Unde mirum non est, quod non tan-
tum in scarlatina maligna, sed in aliis
etiam morbis acutis, præcipue si sanguis
non erat extractus, statim post mortem
magna crux copia tam per os, quam
per nares, quandoque effluere soleat; quia
post mortem vasa, quæ prius stricta, &

integra erant, relaxantur, aut erosa, facile aperiuntur.

Quare dolendum quod quidam præjudiciis capti malint proprio suffocari crurore, quam in certis circumstantiis venæfectionem admittere.

LXXXVIII.

Ægrotus IX.

Adolescens syntaxeos studiosus tredecim circiter annos natus 1760. in Novembri afficiebatur scarlatina maligna hoc modo: Prima statim die de summo languore, debilitate, nausea, & nisu ad vomitum conquerebatur; secunda die in conspectum jam venerant exanthemata scarlatina in facie, aderant præterea respiratio, & deglutitio laboriosa, fitisque intensa; & reliqua, quæ prima die: Ego advocatus inveni pulsum celerem debilem, & vix perceptibilem, qui, quamvis ad-
effet

esset summa faucium inflammatio , & reliqua , quæ venæflectionem indicarent , me a sanguinis missione deterrebat , & arcebat.

Dum vero post meridiem ægrum delirantem suffocandumque invenirem , judicavi non obstante prædicta pulsuum debilitate , unicum superesse remedium , spemque e sanguinis missione ; qua dein in pede instituta , pulsus fiebant successivæ sensibiliores , & fortiores ; respiratio , & deglutitio evadebat facilior ; & adhibitis aliis remediis ægrotus breve intra tempus sanitati restituebatur.

LXXXIX.

ANNOTATIONES ad Ægrotum IX.

De simili observatione locutus sum jam superius §. XLVII. ubi ostendi, vi-

M 2

rium

rium prostrationem, languoremque sæpius a spiritibus, & viribus oppressis, quam ab exhaustis dependere; etenim in florente ætate, & alias robusto corpore causa subitanei languoris aliter concipi vix poterit.

Idem sæpe observamus in aliis febribus continuis, malignis, miliaribus, & petechialibus, in quibus pulsus debilis, & summa virium prostratio adesse solet; quæ symptomata multos medicos a venæctione deterrere, & arcere solent.

Quia prædicta virium prostratio quandoque a dissoluta humorum massa dependeret observatur; in quo casu si venæctio institueretur, æger certo certius succumbere deberet.

Qua ex ratione cum viderim, in similibus casibus venæctionem multum ad salutem aut mortem conferre posse, indagavi, industria, qua potui, ut determina-

minarem, quando sanguinis missio institui,
& quando omitui debeat.

Si enim virium languor dependeat a spiritibus oppressis, tunc quamvis pulsus sit debilis, est tamen densus, & durus; item genæ rubent, & corpus ad tactum calet; neque præcesserat nimia aliquujus humoris evacuatio, quæ omnia in spiritibus, & viribus exhaustis, aut humoribus dissolutis aliter se habent.

Ut tamen in similibus casibus eo certior de secundo ex missione sanguinis effectu reddar, curo primo modicam sanguinis quantitatem extrahi; si enim sanguis magno impetu effluit, & dein crustam lardaceam induit, aut in ejusdem defectu spissus, & tenax esse appareat, tunc sine omni cunctatione, & periculo debet debita sanguinis missio institui, ex qua dein æger potius alleviatur, quam opprimitur.

Similis petechialis epidemia an. 1758.
& 1759. hic Viennæ totam obtinebat

hiemem. Nam ægri conquerebantur de summa totius corporis laffitudine , de diversis rheumaticis affectibus , de ingenti dolore capitis , pulsus erat debilis , & sub initium morbi fere semper naturalis , in quo casu si sanguis mittebatur , ego semper lardaceum , aut perquam spissum , & tenacem vidi ; qua ex ratione binas , aliquando etiam ternas venæfctiones præstituere solebam , ex quibus , aliisque appropriatis antiphlogisticis , effeci , ut ferme omnes , qui meæ curæ commissi erant , sanitati restituerentur.

Alii vero eodem petechiali morbo affecti , quibus sanguinis missio instituta non erat , die quinta , aut septima fiebant soporosi , delirantes , & die undecima , aut decima quarta convulsi plerique moriebantur.

Iste est status in morbis acutis , ut plurimum malignis , in quibus sanguis mitti debet. Aliter vero sentiendum est , ubi

con-

contraria signa adsunt ; ut si sanguis mis-
sus disfluat , vixque cohæreat ; aut , ubi
largæ evacuationes per hæmorrhagias ,
aut diuturnas diarrhæas , præcesserant ;
ex quibus ægri viribus exhauriri solent.
In talibus enim casibus a venæflectione ,
quantum possum , mihi tempero ; & ex
fonte pharmaceutico & diætetico remedia
peto.

CX.

Ægrotus X.

Adolescens quatuordecim circiter
annos natus , 1758. corripiebatur
scarlatina maligna , aliisque superius
§. XXVIII. recensitis & solitis sympto-
matibus.

Priming morbi diebus utebatur emulfis ,
fero lactis , & tinctura florum rhæados
pro potu ordinario , aliisque antiphlogi-
sticis , & appositis remedii.

Verum præsentibus exanthematibus, propter metum retroupulsus nulla venæfectio admittebatur.

Die autem ab eruptione tertia ad demandam acrimoniam septicam malignam exhibebatur cortex peruvianus, tanquam specificum antisepticum.

Ast de die in diem augebatur morbus, febris, difficultas in respiratione, & deglutitione; tandem accesserant fero-
cia deliria; convulsiones & mors.

XCI.

ANNOTATIONES

ad Ægrotum X.

Sancte fateri possum, quod hujuscemodi funestos casus non tantum in scarlatina maligna, sed etiam in aliis febribus malignis sæpius viderim: si enim in similibus morbis, qui phlogisticam indolem præferunt, cortex sine præmissa venæ-

fe-

fectione exhibeat, semper plus damni,
quam commodi exinde expectandum erit.

Aliter vero se res habet, ubi præmissa sufficiente detractione sanguinis genus nervosum, præcipue vero vasculo-sum laxum redditur, pulsus concidunt, debiles mollesque redduntur; in similibus casibus sperare possumus, fore ut cortex virtute sua tam antiseptica, quam tonica, multum emolumenti ægrotis afferat.

Si quis meis allatis observationibus non acquiescat, acquiescat tamen, si parumper considerarit observationes de exhibendo cortice in febribus intermittentibus, & remittentibus apud diversos celebres practicos.

Omnes practici norunt, quam male exhiberetur cortex in exacerbatione talium febrium; quia sic non tantum paroxysmus, sed morbus ipse augeretur.

Quapropter sedulo & attente obser-vare solemus talium febrium apyrexiam,

aut remissionem , ubi nimirum pulsus incipiunt fieri rariores , mollioresque. In quo statu dein cortex optimo cum effectu exhiberi solet.

XCII.

Ægrotus XI.

Hujatis civis filia decennis laborabat scarlatina cum magna faucium inflammatione ; respiratione , & deglutitione , difficilibus. Huic nulla fuit venæfectio celebrata , sed superius §. XLIX. recensita remedia antiphlogistica , item gargarismata , & injectiones ex decocto hordei cum melle rosarum , & pauxillo nitri in usum vocabantur. Externe vero circa collum cataplasma ex speciebus emollientibus in lacte coctis tepide applicabatur.

Die ab eruptione circiter sexta quotiescumque gargarismata , aut injectiones in usum vocabantur , secedebant , & excréabantur quædam lamellæ coriaceæ , illis , quæ superius §. VI. describuntur , quoad omnia similes. Inti-

Intimius dein harum lamellarum, internique oris institutum examen docuit, quod hæc eadem, quæ in partibus corporis externis, præsertim manibus, & pedibus fieri solet, decorticatio fuerit; nam non tantum membrana, quæ palatum, tonfillas, uvulamque investit, sed etiam illa, quæ faucium ulteriorem, & profundiorem expansionem occupat, separabatur, & excreabatur.

Tandem sed aliquot diebus tardius, succedebat eadem decorticatio in corporis partibus externis; quin vero ille solitus tumor hydropicus sequeretur.

XCIII.

ANNOTATIONES

ad Ægrotum XI.

Tales lamellas coriaceas non tantum in illa angina, quæ scarlatinæ jungi solet malignæ, sed etiam in aliis anginis sæpius vidi.

vidi. Nuperrime cum Expertissimo , & Magnifico Domino de Zwenhoff tres hujuscemodi habui casus ; in quibus non tantum similes lamellæ , sed integræ thecæ , quæ uvulam , tonsillasque obvolvebant , separabantur , & excreabantur , relictis prædictis partibus nudis , intense rubris , & sensibilibus ; eo quod tunc tenerrima , & tenuissima tantum membrana obductæ essent. Quapropter has partes lacte tepido , aut mucilagine seminum cydoniorum , donec naturalem tonum , vigoremque adipiscerentur , fovere debuimus.

XCIV.

Ægrotus XII.

Adolescens Dominus de Peterneg undecim circiter annos natus corripiebatur scarlatina maligna , quæ tam vaga & variabilis erat , ut nunc majore nunc minore copia appareret , item nunc magis , nunc

nunc minus ruberet, quod aliquoties de die observabatur, siveque per octiduum fere hujus exanthematis inconstantia perseverabat.

Ægrotus interea statim a principio morbi inquietus, anxiosus, nunc plus, nunc minus delirans erat.

Instituta consultatione applicabantur duo vesicantia ad furas; post biduum vero alia duo ad brachia, tandem, cum deplorabilis morbi conditio pejor appareret, aliud ad nucham apponebatur.

Item in usum vocabantur diversa superius §. XLIX. recensita antiphlogistica remedia, quibus etiam modicum camphoræ addebatur. Venæsectio vero propter metum majoris retropulsus non admittebatur.

Verum ex omnibus his nihil proficiebat, quin imo semper in pejus ruebat æger. Nam die undecima delirium fiebat suribundum, & phreneticum, per inter-
valla

valla enim æger soporosus, occlusis palpebris, demissa voce diversa obloquebat, & aliquantum quietus apparebat; sed mox convulsis palpebris, oculisque alta voce clamare, & vociferari incipiebat, e lecto profilire, omniaque tegumenta abjicere, conabatur; donec magno clamore, violentisque corporis motibus attritus, & lassus per brevia quædam intervalla conquiesceret: quæ moesta & horribilis scena sæpius répetere solebat.

In hoc casu curavimus capillitium abscindi; sicque capiti columbas vivas in duas partes scissas apponi, sæpiusque aliis recentibus substitutis repeti.

Item superius nominatis remediis ad jungebantur aliquot guttæ liquoris bezoardici Bussii, & anodynæ mineralis: & tandem enemata emollientia applicabantur.

Ast omnes isti erant vani , & inanes conatus; etenim die circiter vigesima fiebat quasi hæmiplecticus , quoniam in latere sinistro nec manum nec pedem movebat , cum tamen in alio latere violentos sæpe ederet motus.

Quare tot & tam diuturnis ærumnis attritus æger die morbi vigesima octava expiravit.

XCV.

ANNOTATIONES

ad Aegrotum XII.

In scarlatina sæpe contingere solet , ut exanthemata ita vaga , & inconstans observentur ; qua ratione fit , ut morbus sedem suam per modum inflammationis in cerebro figat , ut in nostro casu contigit.

Hoc vero singulare præsens casus habet quod morbus malignus , & inflam-

flammatorius ad vigesimam octavam usque diem se extenderit.

Si enim talis cerebri inflammatio, ut plerumque fieri solet, in gangrænam transeat, tunc citius finem vitæ imponit; si vero in suppurationem tendat, ut in nostro casu factum fuisse videtur, tunc morbus longius protrahi potest.

Quapropter si in simili, ut præfens est, casu, debito tempore sufficiens sanguinis detractio, præsertim ex vena jugulari facta fuisset, sperari potuisset, fore ut prædicta cerebri, meningumque inflammatio eo facilius, coadjuvantibus aliis appropriatis remediis dissipata fuisset.

Ex quo iterum patet, quemadmodum jam superius sectione IX. §. LXXX, dixi, quare in hoc casu neque ex vesicantibus, neque ex camphoratis, aliisque volatilibus æger profecerit quidquam; quinimo semper metuendum est, ne urgente inflammatione & omissa ve-

næfsectione talibus remedis plus damni quam emolumenti afferamus.

XCVI.

Hic quæstio institui posset, an non in similibus casibus artificialis vasorum hæmorrhoidalium apertio aliquid ad salutem conferre posset.

Ad quod respondeo, quod quamvis propriis experimentis necdum id affirmare, & confirmare possim nihilominus tamen ex aliis rationibus judicem, sanguisugas venis hæmorrhoidalibus appositas plurimum levaminis afferre posse; quia

Primo anatomicis constat, quod carotides, & vasa hæmorrhoidalia opposita directione sanguinem vehant; adeoque sperandum est, fore, ut revulsio in hoc casu habeat locum.

Secundo, quia ex aliis similibus observationibus constat, ut in mania, apoplexia & phrenitide vera, quod nimi-

rum in his hoc remedium proficuum deprehendatur: unde propter analogismum credere possum, quod etiam in phreniti-de nostra symptomica idem conducere possit.

Sic Hippocratis Sectione VI. Aphor.

21. dicit: *Si insanientibus varices, aut hæmorrhoides supervenerint, morbi solutio fit.* Idem sentit Celsus Lib. II. I.

Item tristis experientia nos docet, quod a suppressis hæmorrhoidibus mania, apoplexia, phrenitis, aut epilepsia aliquando superveniat; adeoque a contrario cum fundamento judicare possumus, quod a resuscitatis hæmorrhoidibus, prædictis affectibus levamen afferri possit.

XCVII.

Ægrotus XIII.

Anno 1746. in autumno grassante scarlatina ut plurimum maligna, mea filia tunc annorum 7. corripiebatur eodem

mor-

morbo. Exanthemata, uti in præcedente casu erant vaga & variabilia. Unde ægra delirabat, furebat, clamabat, & vociferabatur fere diu, noctuque, ut jam prius dixi. Hæc tristis, & funesta morbi conditio durabat fere octiduo integrum.

Expertissimus & eruditissimus D. Collega Steindl de Plessenet, qui mihi tunc a consiliis & auxiliis fuit, una mecum omnem salutis spem abscissam esse judicabat.

Ast præter omnium opinionem die circiter undecima in sedatum, placidumque prolabatur somnum; unde expergefacta mente constare videbatur, sed ad interrogata, aut nihil, aut non apte respondebat. Ex quo constabat, surditatem adesse; etenim tunc ægra de dolore aurium conquerebatur; si aures contrectabantur, aut premebantur, dolebant.

Quapropter cataplasma ex speciebus emollientibus in lacte coctis applicabatur. Brevi dein aures plorabant materiam quandam puriformem, & striis sanguineis mixtam. In quo casu decoctum hordei cum melle rosarum saepius auribus infundebatur tepide; sicque materia illa purulenta breve intra tempus abstergebatur, & abluebatur; ex quo ægra de die in diem facilius exaudiebat, meliusque valebat. Et tandem, benigno favente Numine, integræ restituebatur sanitati.

XCVIII.

ANNOTATIONES

ad Ægrotum XIII.

Erysipelas, variolæ, aliique similes morbi nos docent, quod ipsorum materia phlogistica, si superficiem corporis non

non occupet, facile caput petat, ibique inflammationi viam sternat.

Hoc ipsum in scarlatina maligna commune quidem, sed funestum symptomata esse solet. In nostro enim casu videtur inflammatio cerebrum, & meninges occupasse, quæ nisi critice ad aures mota fuisset, infallibiliter, aut in gangrenam aut in suppurationem degenerasset. Hæc metastasis facta fuit a parte nobiliore, nimurum cerebro, ad minus nobilem, & quidem cum symptomatum alleviatione, & die critico; adeoque ad motus criticos naturæ revocanda est.

Tales metastases legimus apud Hippocratem in Coacis prænotionibus N. 1. sed ibidem N. 2. legitur metastasis symptomatica ad aures; quia morbus exinde non minuebatur sed potius augebatur.

Tandem hic meminisse convenit aliorum, quæ ad hunc casum spectant notabiliorum observationum:

N 3

Sic

Sic Herula de Stab 9. annos nata, meam scarlatina maligna laborantem filiam s̄æpe inviserat, eique adstiterat; unde factum est, ut in eundem incideret morbum, in quo exanthemata, ut in præcedente casu, vaga & inconstantia erant; ægra pariter delirabat, furebat, ac tandem convulsa mortua est.

Item & eodem funesto modo contingit aliquot Illustribus de nobili Familia L. B. de Nimsch Prolibus, quæ ex truculento hoc morbo aliquot dierum spatio denatae sunt,

XCIX.

Congrua & opportuna se offert hic occasio brevissime quidquam de illa notabili observatione dicendi; quam Clarissimus Hamilton de febre miliari affert. Observat enim hic Eruditissimus Vir in ejusdem historia I. & II. quod, si in exanthematibus miliaribus fiat raptus ad cerebrum, & deliria urgeant, nihil magis

gis conducat , quam purgans antiphlogisticum , & venæsectio. De venæsec-
tione jam plura dixi superius: quæstio
itaque esse posset; an non in illo casu
scarlatinæ malignæ ubi fieret raptus ad
cerebrum , & deliria urgerent , pur-
gans aliquod antiphlogisticum ordinari
quoque posset; cum eadem ratio , quæ
in miliaribus illud hic quoque suadeat.
Sane hic optime quadrat illud , quod ex-
tremis morbis extrema remedia optima
sint ; truculento enim huic morbo duro
cuneo profecto opus est; neque similem
ægrum prognostico relinquere , sed alia
atque alia experiri debemus remedia.

C.

Ægrotus XIV.

Studioſus hujatis ci‐vis filius , octo
circiter annos natus , corripiebatur scar‐
latina , quæ primis efflorescentiæ diebus
benigna apparebat ; nam eo tempore

æger diu noctuque quietus esse videbatur; item exanthemata triduo integro saturate rubebant, & constanter copiosa aderant.

Verum his non obstantibus die morbi circiter septima, & ab exanthematum eruptione quinta; æger tota nocte insomnis, inquietus, & fiticulosus quinimo delirans esse dicebatur. Pulsus, qui prius fere naturalis erat, fiebat celerior, & durior.

Die sequente augebantur omnia prædicta symptomata; nam major aderat inquietudo, major mentis alienatio; per certa intervalla clamabat, vociferabatur, & e lecto profilire conabatur.

Hæc dira symptomata sequentibus diebus nunc magis, nunc minus urgebant; & quamvis remedia diluentia antiphlogistica, emulsa, paregorica, aliaque similia, interne; externe vero enemata, vesicantia, in usum vocata fuerint, nihil omi-

ominus tamen, die 18. morbi convulsus
mortuus est.

CL.

A N N O T A T I O N E S

ad *Ægrotum XIV.*

Sane ego sæpe mirabar, & adhuc admiror, quod scarlatina, quæ optima signa præferre videtur, quandoque mendentes, aliosque fallere possit.

Iste meo judicio est verus Caracter morborum malignorum, qui ideo maligni dicendi sunt, quia nobis facile imponere possunt.

Tales casus plures habui, & ideo cautior redditus de morbi natura facile ante debitum terminum definire non soleo.

In similibus casibus videtur materia exanthematica ad cerebrum raptæ, itasim inflammatoriam ibidem induxitse.

Quapropter cum omnia prædicta, quamvis valentissima, in usum vocata remedia videantur imparia tanto tollendo malo, unica spes supereffet ex sanguinis missione, & antiphlogisticis per epicasim evacuantibus; & statim ab initio talis exacerbationis, methodo a Clariss. Hamilton præscripta, ordinatis: quia, si inflammatio jam adoleceret, vix quidquam boni exinde sperandum erit; in tali enim statu, aut in gangrænam, aut in suppurationem tenderet inflammatio.

Interea hic superficialiter faltem illam observationem attingere deboe, qua in similibus casibus videmus quandoque fieri metastases ad aures, parotides. Tales metastases aliquando fiunt critice, aliquando vero symptomatice. Vide §. XCVII.

Ast hoc ipsum omnes medici practici observant quandoque etiam in aliis morbis acutis contingere.

CII.

CIL.

Ægrotus XV.

Perill. Domini de Baumaister filius,
13. circiter annos natus, 1761. primis
Aprilis diebus sine manifesta causa fiebat
languidus; tristis, prima statim morbi
die, nec appetebat, nec placide, ut
alias dormiebat. Item de siti, dolore
capitis, & aliqua in deglutiendo diffi-
cultyate conquerebatur.

Secunda morbi die aderant jam exan-
themata scarlatina in facie, febris erat
magna, & urina saturate rubicunda, si-
tis, & reliqua, ut die præcedente.

Tertia die totum corpus videbatur
quasi una macula saturate rubra obsitum,
subtumidum, & ad attactum, præcipue
in manibus, adinstar carbonis igniti urens.

Die quarta idem rubor, & ardor
perseverabat. Interim, quod mirum,
non obstante prædicto ardore, pul-
sus

sus neque tam celer , neque tam durus ,
ut diebus præcedentibus , observabatur.
Item sitis non erat ita intensa , neque
inquietudo tanta.

Die quinta in facie jam pallescebant
exanthemata perseverante tamen prædicto
rubore in aliis corporis partibus.

Die sexta & septima pallescebant ,
& in toto ferme corpore evanescebant
exanthemata ; exceptis tantum illis , quæ
pectus occupabant ; nam hæc biduo in-
tegro diutius ; adeoque ad nonam usque
morbi diem , perseverabant.

Hic adnotare debemus , quod jam
quarta morbi die in manibus quædam mi-
nimæ papulæ albæ , exanthemata milia-
ria referentes , in conspectum venerint ;
quæ numero , & volumine successive au-
etæ futuræ decorticationi fundamenta ster-
nebant ; nam die morbi sexta epidermis præ-
sertim circa cubitum , & carpum fiebat alba ,
& in diversæ figuræ lamellas , ast adhuc ar-

cte

cute cum subjecta cute cohærentes , finebatur , quæ sequentibus diebus successive a cute secedebant , & quædam plus , quædam minus densæ separabantur.

Mirabilis illa decorticatio erat , quæ in volis manuum contingebat ; nam epidermis crassa , & ad instar bergamenæ densa , volas manuum exacte æquans , referensque abscedebat ; quam hodie dum propter rei raritatem pixidi inclusam Parentes conservant.

Prædicta decorticatio in manibus tantum observabatur ; etenim quæ in facie , pectore , dorso , reliquoque corpore fiebat , erat illi desquamationi , quam in morbillis videmus , similis.

Die morbi decima quinta , & decima sexta , ubi æger jam perquam belle valere videbatur , inceperant tumere , & dolere parotides , aliæque glandulæ colli.

In quo casu æger febricitabat , sitiebat , nec caput , nec collum movere pot-

poterat; quinimo pressis a prædicto tumore maxillæ inferioris musculis os ad capiendum cibum, & potum difficulter aperire valebat. Illa vero, quæ assumebat, sine magna molestia deglutiebat; quod denotabat, tonsillas, aliasque laryngis, pharyngisque glandulas liberas esse.

Iste tumor glandularum solebat sœpe, & celeriter variare situm; etenim nunc magis prædictas colli glandulas; nunc oxillares, mox dein inquinales occupabat, molestabatque. Quapropter mirabar, quod materia peccans tam cito ab una corporis parte ad aliam migrare & transferri possit. Verum tamen postquam considerassem idem fieri in variolis, & in arthritide vaga; videbar mihi dilucidius vias, per quas id contingeret, percepturus; nimirum non tam lege circulationis, quasi materia peccans, ad massam humorum resorpta, ad prædictas

par-

partes deponeretur, quam quod mediante membrana cellulosa facile ab una parte ad aliam migraret, judicabam.

Ratio asserti consistit in ipsa experientia, qua videmus quod tales materiæ translationes fiant sine notabili exacerbatione; sic in variolis tumor faciei transfertur ad manus & pedes, sine speciali exacerbatione; item in arthritide vaga sæpe, & sat cito materia peccans transfertur ab una parte corporis ad aliam pariter absque præcedente aliqua exacerbatione.

Hoc quidem verum est, quod tam in variolis, quam in arthritide vaga, dum materia peccans in aliqua parte sedem fit, dolores, tensionesque ibidem efficiat; ast si prius circulo humorum communicaretur, deberet febrem, anxieties, & inquietudines excitare antequam ad aliquam partem fieret depositio.

Hoc ipsum fere quotidie videmus in criticis evacuationibus morborum acuto-

rum;

rum; in quibus materia peccans circulan-
do antequam per urinas , per alvum ,
aut per aliam viam , critice evacuetur ,
febrem accedit , anxietates deliria , alia-
que gravia symptomata exasperat ; juxta
effatum Hippocrat. Sect. II. Aphor. 13.
Quibus crisis fit, bis nox ante exacerbatio-
nem gravis est.

Qui vero plura de membrana cellu-
losa legere cupit , videre poterit in Illu-
strissimi Domini de Swieten comm. Tom.
I. §. 382. Item in Magnifici Archiatri
de Haen tractatu de febrib. exanthem.

Sed redeamus ad nostrum casum : Hic
molestus , atque ab omni periculo non
immunis , status perdurabat usque ad vi-
gesimam quintam circiter morbi diem ;
quo tempore non tantum febris , & tu-
mor minuebantur , ac tandem dissipaba-
tur ; sed & libertas motus prædictis par-
tibus conciliabatur ; sicque ægrotus , quam-
vis sat ægre lenteque pristinæ sanitati
restituebatur.

re-

Remedia vero, quibus tam primis quam sequentibus morbi diebus, dum febris augebatur, utebatur æger, erant illa ipsa diluentia, antiphlogistica superiorius §. XLIX. exposita.

Ad tumores glandularum colli, parotidumque discutiendos applicabantur secundo cum effectu ab expertissimo Domino Reter, Chirurgiæ Doctore sacci li sicci, quibus species carminativæ in pulverem redactæ inclusæ erant.

Phlebotomia autem, quamvis cum fundamento non tantum in principio morbi, sed etiam tardius, nimirum die 16. aut 17. dum febris fere inflammatoria urgebat, celebrari potuisset, nihilominus tamen omissa erat; quia timendum fuit, ne adstantes, & obstantes sinistrum morbi eventum, quem metuebamus, huic unice, ut in similibus casibus fieri solet, adscriberent

Verum hic annotare debo, quod, dum æger resipiscere videbatur, urinæ crassæ cum copioso sedimento secesserint, quod signum erat materiam peccantem hac via evacuari.

CIII.

ANNOTATIONES

ad Ægrotum XV.

Non tantum præsens, sed etiam plures alii similes, quos habui casus, docuerunt, quod, quo plura, & frequenter cutem occupent exanthemata, & quo plus partes affectæ ad attactum surunt, eo major & notabilior fiat decorticatio. In quo casu diversa malæ notæ confectaria metuenda restant; vel enim tumores & indurations diversas corporis glandulas, vel tumor leucophlegmaticus totum corpus occupat, & pertinacissime vexat.

Qua-

Quapropter omni possibili cautela opus est; ut nimirum æger in debita transpiratione ad quartam usque hebdomadam detineatur; quo tempore, si nihil prædictorum accesserit, sperandum est, fore, ut sine periculo liberam in posterum capere possit auram; quod forsan aliquibus, in hoc morbo minus expertis, aut certis præjudiciis captis, paradoxum videbitur. Ast hæc, quæ scribo practicos, minus alios attingant, velim.

Præterea prædicta mala consectaria ultronee præcaventur, si alvus quotidie respondeat; quodsi non fiat, ut plerumque contingere consuevit, debet, aut apropriato enemate, aut superius §. XLIX. recensitis remediis sollicitari sive officii admoneri. Sic enim efficimus, ut humores feroci, lymphaticique, qui in membra cellulosa, viscera abdominis perreptante, facile restagnare possent, tum

libere circulent, cum etiam per urinas, aliasque vias libere evacuentur.

Qua ratione non tantum prædictos glandularum, sed totius etiam corporis tumores præcavemus.

Præterea ex his, similibusque observationibus constat, quod depositio materiæ peccantis quandoque ad internas, quandoque ad externas, & aliquando ad utrasque partes simul fiat; unde dein longe majus periculum, majorque in curatione labor.

CIV.

Ægrotus XVI.

Anno 1759. ego cum Magnifico, & Expertissimo Domino de Humelauer advocatus fui ad filiam Perill. Domini de Kraufan in Academia Sabaudica vice Directoris. Hæc tumebat toto corpore, difficulterque, & frequenter respirabat febricitabat, alvus filebat, & urina sup-
pri-

primebatur. Dum in causam hujus funesti tumoris leucophlegmatici indagemus, Parentes ægrotæ nunciabant, narrabantque ante quatuor circiter hebdomadas in ægra observatas fuisse quasdam maculas rubras, totum corpus occupantes; quæ cum tridui tantum persisterent, & sine notabili molestia decurrerent, flocci factas fuisse. Sicque in sex rerum non naturalium regimine vix aliquam curam, aut cautelam adhibitam fuisse.

In tali extremo rerum statu, quamvis repetita enemata, aperitiva, diuretica, frictiones, aliaque similia, in usum vocata fuissent, nihil tamen, quod spem nostram erigeret, effici poterat. Unde evenit, quod prædixeramus, ut paucis post diebus vitam cum morte commutaret ægra.

CV.

ANNOTATIONES

ad Ægrotum XVI.

Ex hac historia discimus, quod scar-
latina etiam benigna tam quoad diætam,
quam quoad transpirationem certis caute-
lis rite observandis, opus habeat; secus
enim metuendum est, ne subsequens affe-
ctus plus negotii, quam primarius fa-
cessat; sicque error posterior fiat pejor
priore.

Pariter exinde patet, quod, si in
simili tumore leucophlegmatico jam febri-
cula adsit, vix quidquam boni sperandum
restet; quia signum est humores restagnan-
tes jam putrefcere, corpusque in corruptio-
nem & gangrænam tendere.

Hoc ipsum in hydrope, ascite dicto,
ego summa cum admiratione sæpe con-
tem-

templatus sum, dum vidi serum in abdome ad plures mensuras collectum, non tantum per multas hebdomadas, sed per multos etiam menses sine putredine hære-re posse. Quamprimum vero putrefcere incipit, tunc æger magis fitit, febricitat, ac tandem brevi emoritur.

Ex hoc ipso fundamento sæpius admirabar, quosdam humores restagnantes, aut etiam extravasatos cito & facile; alios vero lente, aut nunquam corrupti, putrefcere.

Sic enim videmus, quod humores, qui in inflammationibus, in febribus continuis, ardentibus, malignis restagnant citissime in corruptionem vergant. Alii vero, qui v. g. in fugillationibus oculorum, aliarumque partium subsistunt, non tam facile in putredinem tendant.

Idem dicendum est de fero hydropicorum, de humore, quem embranæm

membranæ amnios, & chorion in gravidis continent; qui non tam facile putrefescunt.

Unde patet, quod quamprimum humores nostri corporis putrefescere incipiunt, exinde oriatur major febris, majusque periculum.

CVI.

Ægrotus XVII.

Puer octennalis laborabat scarlatina, ad malignam potius quam ad benignam revocanda.

Huic sub initium quartæ ab ortu scarlatinæ hebdomadæ supervenit tumor leucophlegmaticus; in quo scrotum, ut mihi dein relatum fuit, monstrose tumebat.

Huic ægro medebatur chirurgus, qui ægri parentibus erat familiaris. Sed præ aliis hic notari meretur methodus, qua tumorem scroti tractabat; applicabat enim dies noctesque fomenta calida sicca ex cineribus lignorum. Item sæpe inunge-

gebat scrotum cum spiritu vini camphorato, & cum alio liquore ut mihi videbatur, cum aqua calcis, mixto.

Quæ vero interne adhibita fuerint remedia rescire non poteram. Interim ex his effectum fuit, ut tumor ille hydropticus dissiparetur; quin imo tumor ipse scrotri magnam partem evanesceret; verum durities quædam ad tactum indolens in scroto permanebat, quæ partim mole, partim pondere ægroti incommoda erat. Interim tamen æger quoad alias omnes functiones bene valebat.

Hæc ego dein, cum ad ægroti parentes ægrotantes advocatus eram audivi & vidi.

Quapropter jussi, species carminativas cum cerevisia in formam cataplasmatis redactas, & coctas scroto apponi, saepius renovari, diutiusque continuari.

Item ordinavi purgans ex rheo, & diagridio sulphurato cum uno alterove

grano mercurii dulcis bis qualibet hebdomada exhibendum. Verum tamen, quia dein parentes cum ægro sedem, & domicilium mutarunt, ulteriorem hujus morbi decursum ignoro.

CVII.

ANNOTATIONES

ad Ægrotum XV.

Superius §. LXIV. jam ostendi, quod tumor scroti hydropicus non tantum tunicas testiculos ambientes, verum etiam membranam musculosam dartos dictam occupet, seque intra ejus duplicaturam insinuando, eandem distendat.

Quare, si in simili casu talia applicentur, ut in nostro casu prædicta calida & sicca fomenta, tunc subtilissima discutiuntur, crassiora vero minimis vasculis impacta hærent. Si vero a spiritu vini

cam-

camphorato prædicta vasa adhuc magis constringuntur, debent eadem adhuc magis ibidem incarcerari. Ex quo dein fit, ut in nostro casu contigit, ut humores una cum vasis in unum corpus scirrhosum quasi concrecant.

In simili casu, postquam hoc tempore per diversa capta experimenta jam constat, cicutam tam interne quam externe adhibitam, esse specificum ad tumores remedium, sane hoc omnibus aliis hucusque inventis remedii anteferendum esse judico, non neglectis tamen superius recensitis & ordinatis purgantibus mercurialibus; quia experientia nos docet, quod nihil magis minima vasa pervadere, & pervia reddere possit, quam mercurius. Plura de usu cicutæ legi possunt in tractatu de variolis §. CCCXI.

CVIII.

Huic similem fere errorem vidi ab alio chyrurgo committi in tumore scroti
post

post scarlatinam superveniente. Cum enim æger in simili casu de potiore incommodo ex tumore scroti conqueretur , judicabat chirurgus , quod possit sacrificeatione non tantum prædictum incommodum , sed etiam tumorem ipsum funditus amovere. Quapropter sacrificeationem instituit , unde evacuabatur quidem multum seri , & scroti tumor imminui , minime vero penitus dissipari videbatur ; item membrana dartsos , quæ prius tensa & pellucida erat , corrugabatur ; verum tamen aliquot diebus vix elapsis iterato distendebatur , pristinumque scroti tumorem referebat ; atque eadem ut prius incommoda , & discrimina minabatur.

Qua ex ratione necessarium fuit , remediis tam internis aperitivis , diureticis , & per epicrasim evacuantibus ; quam externis carminativis , & discutientibus superius §. LXV. jam descriptis affectum hunc leucophlegmaticum oppugnare .


Ex

Ex quibus tandem quamvis sat lente effectum fuit, ut patiens pristinæ, & perfectæ restitueretur sanitati.

Unde iterato constat, quod in tumore leucophlegmatico omnia particularia medentium molimina frustranea sint; nisi radicaliter affectus hicce tractetur; & abigatur per remedia superius descripta.

Isti, quos observavi, & adduxi, sunt singulares, & selecti de scarlatina casus, plures similes, si actum agere videri cuperem, afferre possem: ideoque quia talium, aut per decursum hujus operis superius jam meminerim; aut quia similes ad supradictos casus revocari possint, tacitus præterire constitui.

F I N I S.




ERRATA NOTABILIORA

I N

TRACTATU DE SCARLATINA.

Pagina 121.	Linea ultima lege åâ gr. β.
148.	5. lege deponendam pro de- ponendum,
154.	I. præditis pro præ- dictis
156.	14. efflorescentiæ pro ob- servantiaæ.
184.	ib. phlogistica pro phlo- gitica.
195.	14. prolabeatur pro prolabatur.
205.	I. findebatur pro fine- batur.
208.	18. dissipabantur pro dis- sipabatur.
215.	ultima dele embranæm.




ERRATA NOTABILIORA IN TRACTATU DE TERRÆMOTU.

- Pagina 70. Linea 6. lege atterebatur pro at-
terabatur.
81. - - - 1. - - aperiatur terrā.
94. - - - 12. - - quotidie 48. minu-
tis &c.
113. - - - 16. & 17. - causa materialis pro
causam materialēm.
118. - - - 8. - - 1^{mo} debet deleri.
127. - - - 11. - - contigit pro con-
tingit.

Reliquos, qui in his quatuor Tractatibus
offendentur errores, benevolus
Lector ipse corriget.







1878

Narodna in univerzitetna knjižnica
v Ljubljani

516483

3